


እብ መናሰበት ዒድ ሕርየት፡ ለትፈናተ ልእኮታት አሰናይ ትነደአ



ግብሉት አፍሪቀ ሲሪል ራማፎዛ፡ አሚር ደውለት ክዌት ምሽቦል አልአሕመድ አልጃብር አልሰባሕ፡ አሚር ደውለት ቀጠር ተሚም ብን ሐመድ አልሳኒ፡ ክምሰልሁመ ርኢስ ኮንፈደሬሽን ሰዊስ ካሪን ካለር-ሳቴር እት ልእኮታቶም፡ እግል ርኢስ ኢሰያስ አፍወርቂ ዓፍየት ታ'መት ወእግል ኤረትሮየ ወሽዕበ ሰላም ወመትቀዳም ትተምነው።

በዕል መንበር እተሓድ አፍሪቀ መሕሙድ ዐሊ ዮሱፍ እንዴ አትሉ፡ ተእሪካይት አምዕል 24 ማዮ - እሻረት ዐውቲ ንዳል እግል ሕርየት ኤረትሮየ ሌጠ እንዴ ኢትግብኢ፡ ኤማን፡ ፈራሰት ወውሕደት ሽዑብ ለትወዳሕመ ክምተ እት ለሐብር፡ እሊ እግል አፍሪቀ ወእድንዩ ለተአፋዜዕ ቅወት ክምቡ ሸርሐ።

ርኢስ ሲሪል ራማፎዛ እተ እብ ሰሚት ሽዑብ ወሕኩመት ጅምሁርየት ግብሉት አፍሪቀ ለነድአየ ልእኮቲ እብ ተውሳክ፡ ዐዱ እግል ሰኢን ብዞሕ ለአዶረት ዕላቀት ዐማር ወሸርከት መንጠቀት፡ አህምየት ዛይደት ክም ተህይበ እት ሸራሕ፡ ለህሌት ምሰንዮት ወተዓውን እግል ልትደቀብ ለህሌት ንዩት ሰኔት አከደ።

ሚርሐት እተሓድ አፍሪቀ፡ ልእኮታት አሰናይ ነድአው።
ጅምሁርየት ፖላንድ፡ ጅምሁርየት በዕል መንበር መፈወድየት
ግብሉት አፍሪቀ፡ ክዌት፡ ቀጠር እተሓድ አፍሪቀ መሕሙድ
ወኮንፈደሬሽን ሰዊስ፡ እብ ዐሊ ዮሱፍ፡ ክምሰልሁመ ርኢስ
መናሰበት 34ይ-ዒድ ሕርየት፡ ጅምሁርየት ፖላንድ አንድርየ
እት ሽዑብ ወሕኩመት ኤረትሮየ ዱዱ፡ ርኢስ ጅምሁርየት

ቃእድ ጀብህት ምውዳቅ ጸሓይ እት ሰነይ ወአቁርዳት ሰሚናራት ወደ



ቃእድ ጀብህት ምውዳቅ ጸሓይ ቅዋት ድፋዕ ኤረትሮየ - ብርጋደር ጀነራል እዮብ ፍሰሃዬ (ሐሊባይ)፡ “መርበይን ደፊዕ” እበ ልብል አርእሱ፡ እት ዮም 27 ወ29 ማዮ ዲብ ምዴርያት ሰነይወአቁርዳት ከድም ለህለው ቅያደት ዴሽ፡ መሰኡሊን ወሸቃለ አፍሪባት ውዛራት፡ ጀብህት ሽዑብየት እግል ዲሞቅራጥየት ወዐዳለት ወመሓብር ወጠን ሰሚናራት ወደ።

ሽዑብ ኤረትሮየ - እብ ጀብህት ሽዑብየት እንዴ ትመረሐ፡ እግል ክሉ ዳብኢት ከርስ ወበረ እንዴ

ጋብህ፡ ክምሰልሁመ ለትሐባለክ ወትሩድ መራሕል እንዴ ተዐደ ሕርየቱ እግል ልንሰእ ወሰያደቱ እግል ለአድምን ለቀድረ፡ ዲብ መርበይ ሰበት ሰብተ ወቃሊ ዐውል ሰበት ደፍዐ ክምቱ እብ ርሒቡ ለአብርሀ ብርጋደር ጀነራል እዮብ፡ ዐማር ወደሐን ዱለትመ እብሊ ሕሽመት ለልሀይብ ሰዋልፍ ሰበት ልትአከድ፡ ዲብ አጅያል-ሐዲስ እብ ዋጅብ እግል ልሰበቅ፡ ኩሎም ለከሰሶም ጀሃት እብ ለትወቀለ እግል ልክደም ዲቡ ክም ወጅብ አፍህመ።

“ወጠንዮት ወጅንሰየት ኤረትሪ አ'ተረዶት ወነዮርት፡ እግል ጀህት ሐቲ ሌጠ ለልተረክ ወቀይ ኢኮን” ለበሊ ብርጋደር ጀነራል እዮብ ፍሰሃዬ፡ ሽዑብ ሀደፍ-ዋዴሕ፡ ካድም ወደማነት እንዴ ተዐንደቀው ወሚርሐትለ ፈግር በራምጅ እንዴ ገብአው፡ እግል ዐውቲሁ እብ መትሰባል እግል ልሻርኮ አትፋቀደ።

መሻርከት ዲብሊ ቀደመው ረአይ፡ ግዴትለ ሰሚናር እት ወድሐ፡ ሽዑብ ወዴሽ ዲብሊ ህለው ዲቡ ባካት እብ ርሒቡ እግል ልግበእ ትወሰው።

ወዚር ዑስማን ሳልሕ፡ ምሰል ናይ ህንድ ተንጃሁ ህድግ ወደ



ወዚር ካርጅየት አሰይድ ዑስማን ሳልሕ፡ እት ዮም 1 ጁን ዲብ መዲነት ደልሂ ምሰል ወዚር ካርጅየት ጅምሁርየት ህንድ ዶ/ር ጃይሻንካር ህድግ ወደ።

እተ ህድግ፡ ዕላቀት ኤረትሮየ ወህንድ እግል ትደቀብ እብ ዓመት፡ እት መጃላት ዓፍየት፡ ተዕለም፡ ተጃረት ወፊራሮ ለገብእ ተዓውን

እግል ሊዚድ ህዩ እብ ፍንቲይ ለአተንክበት ህድግ ወደው።

እብ ተውሳክ፡ እት ሓድር ተዩልል ቀር አፍሪቀ፡ መንጠቀት በሐር ቀየሕ ወምሒዋ ህንድ'መ ክም ትጋመው እመር ሀለ።

እተ ህድግ፡ ሰፊር ደውለት ኤረትሮየ እት ህንድ አሰይድ አለም ጸሃዬ ሓድር ዐለ።

ዐገል ዳፍያት ሕማማት ውዛረት ዓፍየት ሰርገል ረክብ

ሕኩመት ኤረትሮየ ከደማት ዓፍየት ብቐዕ እግል ክል መዋጥን እግል ልትዳሌ ለአመመ ዐገል ዓፍየት ዲብ ሰነት 2020፡ ምን ሰነት 2022 አሰክ 2026 ሰታት ሰትራተጂ እንዴ ኤተነት፡ እብ ዐቢሁ ህዩ አህዳፍ ዐማር ዳይመት ምሰል አውለውያት ከዳማት ዓፍየት ክም ገይስ እት ትወዴ ትከድም ክም ህሌት፡ ናይ ዶሉ ሙዲር ዓፍየት ገቢል ዶ/ር ዐንደብርሃን ተሰፋጽዮን እብ መናሰበት 34ይ ዒድ ሕርየት እተ ሀበዩ ሸራሕ አብርሀ።



ዶክተር ዐንደብርሃን እንዴ አትሉ፡ ውዛረት ዓፍየት ዲብ ሐልፈየ ሰኔታት ሕርየት ዓፍየት ሙጅተመዕ እግል ትትሐፈዝ፡ ለ'ተብዐተ ሰትራተጂየት ክም ተዐወተት፡ ከደማት ዓፍየት እብ ሰዳይት ሕኩመት ክም ገብኢ፡ ሽዑብ ዓፍየቱ እግል ትትሐፈድ፡ ዲብ ዳፍያት ሕማማት ለልትሐመድ ሸቅል ክም አግዴት ሐበረ።

ክምሰልሁመ፡ መታብዐት ዐመሲ ዲብ መአሰሳት ዓፍየት እብ ደረጀት ወጠን 99.5ምእታይት፡ ዲብ መአሰሳት ዓፍየት ለልትፈረጀ ህዩ ምን 21 ምእታይት ዲብ 83.5 ምእታይት ክም ትወቀለት አፍህመ።

ለዶክተር፡ እት እንበተት ፍድኢት ሐዳስ ወአርሐሶትለ ከደማት እበ ገብኢ ጅህድ፡ ፍድኢት ዲብ 98 ምእታይት ትትወቀል እት ህሌት፡ እብ ሰብብ ጥገዕ ትመጽእ ለዐለት ሞት እብ ዝያድ 99 ምእታይትክም ነቅሰት ሸርሐ።

መሰኡል ዐቂብ ዓፍየት ዶ/ር ጎይትአም መብረህቱ ህዩ፡ መትመዳድ ከደማት ዓፍየት ዲብ ፈይሕ ወዘይድ ሰበት መጽአ ሐድ 60 ምእታይት ምን ሽዑብ ዲብ መሳፈት ሐምስ ኪሎምትር አው እት ገበይ ሐቲ ሳዐት ከደማት ዓፍየት ረክብ ክም ሀለ ሐበረ።

አፍይሐት ወጠወርት ከደማት ዓፍየት እብ ኑዕየት ወቅያሌ፡ መራክዝ ዓፍየት ዲብ እስብዳልያት ማዕየ ወቀሎቱ፡ ሕክምነ ሰረጣን ለልትህየብ እቱ ቅሰም ዓበዮት፡ ከደማት ሕክምነ አንያብ እግል ልትጠወር ከዲም ገሌ ምነ ጅህድ ገብኢ እሉ ለህ በራምጅ ክምቱ ሸርሐ።

ዒድ 34^ይ ሰነት ሕርየት እት ካርጅ

ናይ የም ዓመት ዒድ ሕርየት “መርበይና ደርዕና” እበ ትብል ሰቅራት፡ እት ኬንያ፡ ፊንላንድ፡ ሚኒሶታ ወክራንጅ ካውንቲን፡ ሎስአንጀለስ - አሜሪካ፡ እት ጀርመን -መዳይን በርሊን፡ ከለን፡ ዱዘልዶርፍ፡ ቨቱትጋርት፡ ዳርምሽታት፡ ድራይኦይሽ፡ ማንሃይም፡ ሃምቡርግ፡ ሳርብሩክን፡ ቢሌልድ፡ ጊሰን፡ ማርቡርግ፡ አውግስቡርግ፡ ፍራይቡርግ፡ ኡልም፡ ካሰል ወ ማግደቡርግ፡ ዲብ ኡጋንዳ፡ ኢጣልያ፡ ሰዊድን፡ ኖርወይ፡ ዴንማርክ፡ ፊንላንድ፡ ኔዘርላንድስ/ሆላንድ፡ ግብረት አፍሪቃ፡ ቤልጅም፡እብ ለትወቀለ ጀላል ተዐየደ።

እት የም 25 ማዩ እብ አላፍ ለልትዐለ ምን ለትፈናተ ድዋራት ኬንያ እት ናይቢ ለትጀመረው አርትርፍን፡ ሱፊራኤ፡ ዲፕሎማሲያን፡ ሰብ መዝ አሜሪካ ወሕኩመት ኬንያ ከምሰልሁመ ዐዘመት ለገአት እሎም ለሐድረወ በርናምጅ፡ ሰፊር በዩኔ ርእሶም እት አስመዐየ ከሊመት፡ መፅነት ሕርየት ወምን አጅለ ለትደፈዐ ዐውል እንዴ ሸርሐ፡ ለዒድ ገማለት እግል ልርኩብ እግል ከድመው ጀሃት ሐመደ።

ጃልየት አርትርፍን እት ፊንላንድ፡ የም 24 ማዩ እት መዲነት ሄልሲንኪ እት ወደወ ሐፍለት፡ ርኢስል ጃልየት አሰይድ ሮቤል አሮን፡ ሕርየት ኤረትርየ ወአድመየት ሰያደተ ዐውል ቃሊ ክም ሐዘ እንዴ ሸርሐ፡ ዒድ ሕርየት ሐረት ውርስ ወጠንያይ ሰዋልፍ ሰበት ቱ፡ ዓይላት እንዴ ተሐሰረየ እግል ልሸቀየ እሉ ትፋን።

እት ሚኒሶታ ወክራንጅ ካውንቲን፡ አሜሪካ ለኩባሪ ኤረትርፍን ክል ጀህት እብ እንክረ፡ እት እግሉ አዳለው በርናጅ ናይር፡ ወጠንያይ በራምጅ ዐማር እግል



ልትዐውት መትነዛሞም እንዴ አተረደው ክም ከድሞ አከደው።

እት ብዝሓት መዳይን ጀርመን ኤረትርፍን ዲብ ዝመው 34ይ ዒድ ሕርየት፡ ተርጀመት ወሕሽመት ሕርየት ለሸፊሕ በራምጅ አጀኒት፡ ሸባብ ለለአሻርክ በራምጅ ወእብ እማት ወአበው ለገምለ ወራታት ዓዳት ወፈን ትቀደመ።

አሰይድ የውሀንስ ወልዱ-መስኡል ሸኡን ተንፊዝየት ሰፋረት ኤረትርፍ ዲብ ጀርመን፡ ዲብ መዲነት ቨቱትጋርት፡ ቁንሰል ዓም ዲብ ፍራንክፊርት አሰይድ ክብረኡብ ተክሰቱ ወመስኡል ሸኡን ጃልየት ወሸዐብ አሰይድ ጠዓሚ ሀይሌ ዲብ መዳይን ኬለን ወዱልዶርፍ ለአምዕል ለከሰስ ከሊማት አስምዐው።

መሻርከትመ፡ ሸዐብ ኤረትርየ ውሕደቱ እንዴ ሐፍዘ ሰበት ሰብተ፡ ናደለ ወዳፍዐ፡ ሕርየቱ ወሰያደቱ ክም አድመነ እንዴ ሸርሐው፡ ጀላብ ሕርየት ለትደፍዐ ዐውል እብ ዐማር እግል ንብለሱ መስኡልየት ለሀለ ወለመጽእ ጃል ክምቱ አፍሀመው።

ዲብሆላንድ-ጃልየት ኤረትርፍን ዲብ መዳይን አምስተርዳም፡ ላይደን ወአመርሰፎርት እት

ወደወ ዒድ፡ ሰፊር ኤረትርየ ዲብ እትሓድ አርብ ወድወል ቤነሉክስ አሰይድ ነጋሲ ካሳ እት ቀደመየ ከሊመት፡ ዲብ ዐድ ወካርጅ እብ ሕሽመት ዛይደት ለገብእ ዓያድ ትአምርተ ናይለ ጀላብ ሕርየት ለትደፍዐ እስትሸሃድ ቃሊ ክምቱ እንዴ ሐበረ፡ ዲብ እምበይአ ለሀሌነ መርሐለት ዐማር ክም መዋጥኒን ውሕደትነ እንዴ አተረደነ ዶርነ እግል ንቀድም ክም ለአትሐዜ አብረሀ።

እሊ ክእነ ዲብ እንቱ፡ ዲብ ጀምሁርየት ግብረት አፍሪቀ-መዳይን ጆሃንስበርግ ፡ ደርባን፡ ውራስተንበርግ፡ ኮክስታድ ወኬፕታውን ለኩባሪ ኤረትርፍን ዲብ የም 24 ማዩ ለዐይዶ እት ህለው፡ ሰፊር ኤረትርየ ዲብ ጀምሁርየት ግብረት አፍሪቀ ወድወል ግብረታይ አፍሪቀ አሰይድ ሳልሕ ዑመር ለአምዕል እት ትክስስ ከሊመት፡ ተጀምሶ መዋጥኒን ዲብ ሐቱ ሐ'ረት ደቅብ

ክምቱ ሐቀለ ፈሰረ፡ እግል ገማለትለ ዒድ ለከድመው ሐመደ።

ዲብ መዲነት ብራሰለስ - ቤልጅም ዲብ ገብአ ዒድ፡ ርኢስ ጃልየት አሰይድ ኢሰያስ ኪዳኔ ወሰፊር ኤረትርየ ዲብ እትሓድ አርብ ወቤነሉክስ አሰይድ ነጋሲ ካሳ ዒድ ሕርየት ለለሓልፊ ልእክት አፍሀመው። ኤረትርፍን ሰኮን መዲነት አስተደን ወድዋራታመ፡ ዒዶም ዲብ የም 24 ማዩ እብ ነያረት ወደወ።

እብ ጀህት ብዕደት፡ ዲብ መዳይን ምግብ ወምውዳቅ ጸሓይ አሚርክ በሀለት- ካንሳሰ፡ ሴንት-ልዊስ፡ ሲፎልስ፡ ኢንድያና ፖሊስ፡ ሲው-ሲቲ፡ ኮሎምቢያ፡ ሲንሲናቲ፡ ደይተን ወቺካጎ ለኩባሪ ኤረትርፍን ዲብ ወደወ እብ ዓዳት ወፈን ለገምለ ዒድ፡ መዳላየም እግል መዳፈዐት ዛይደት አከደው።

እት የም 23 ማዩ ዲብ ካምፓላ - ኡጋንዳ ለገብአ ዝያድ 2000 መዋጥን ለአሻረክ ዒድ፡ ሰፊር ኤረትርየ አሰይድ መሐመድ ሱሌማን እት ቀደመየ ልእክት፡ ሰቅራት የም ዓመት፡ ለንዳል ሸዐብ ኤረትርየ ክም ልትዐውት ለአውዱት ወሕፍዘት ሰያደት ወጋብሆት ክሉ መታክል ደፊዕ ላቱ መባዋር ለተአትፋቅድ ክምተ እት ወዴሕ፡ እግል ሸዐብ ወሕኩመት ኤረትርየ ወቅዋት ድፍዑ አሰናይነ ቤለ።

ዒድ ሕርየት የም ዓመት ዲብ ኡጋንዳ፡ ሸባብ ወአጀኒት እብ ብዝሐ ለሻረከው እቱ ጀግራታት ርያደት፡ ቂቶት አጀኒት ወፈርያት ፈን ናይር ዐለ።

ዲብ ጀምሁርየት ኢጣልየ

ሀዩ፡ ዲብ መዳይን ሚላኖ፡ ቦሎጎ፡ ፍሬንዝ፡ ቶሪኖ፡ ብሬሽየ፡ ናፖሊ፡ ፓሌርሞ፡ ፓዶቫ ወፖርዳኖ ለኩባሪ መዋጥኒን፡ እት የም 25 ማዩ ናይር ዒድ ሕርየቶም ወደወ።

ዲብ መዲነት ሚላኖ እት ገኡ፡ ብዝሓም ኤርትርፍን ወዐዙመት ለገአት እሎም ጋሽ ለሐድረወ ዒድ፡ ዓም ቁንሰል ኤረትርየ ዲብ ሚላኖ አሰይድ ተክሌሰንበት እማም፡ እብ ክሱስ ተርጀመት ሕርየት ወእግል ዝክረተ ለገብእ በራምጅ ሸርሐ።

እሊ ክእነ ዲብ እንቱ፡ ዲብ ለትፈናተ መዳይን ሰዊድን፡ ኖርወይ፡ ዴንማርክ ወፊንላንድ ለኩባሪ ኤርትርፍን ዲብለ ዝመው እብ ዕፌ ናይር ለተ'ለ ዒድ፡ ውሕደቶም እንዴ አተረደው መጋብሁቶም እግል ለአደቅቦ ለፈግር በራምጅ ወጠን እግል ለወውቶ ዱልያም ክም ቶም አከደው።

እብ ፍንቱይ 24 ማዩ ዲብ ሱቶክሆልም ዲብለ ገብአ ዒድ፡ መትምማይ ቅደይ ሰፋረት ኤረትርየ ዲብ ድወል ሰኮንዲኔቭየ አሰይድ መሐመድ-ሰዒድ መሐመድ-ዐሊ ዲብ ሓለፈየ ልእክት፡ ለሀሌናህ መርሐለት ዐማር ሰበት ቱ፡ ፋዜዕ ወንዝም ዶር መዋጥኒን ምህም ክምቱ አተብተ።

ዲብ አሚሪካ - ዲብ ሎስአንጀለስ ወድዋረ ለኩባሪ ኤረትርፍን ዲብለ ዝመው እብ በራምጅ ዓዳት ለተ'ለ ዒድ፡ እት ካርጅ ለትወለደው አጀኒት ኩሉ ቆምያት ኤረትርየ እንዴ ወክለው ለቀደመው ዕፌ፡ ለብብስ ዓዳት ወሰሰዒት ዝያድ ናይር ዐለ።

ሽዑብ፡ እብ ሐረስታይ ፈዳብ ለአንበተት ጀርቤ ተመር እግል ትጠወር ልትከደም

እት ምዴርየት ሽዑብ እብ ሐረስታይ ፈዳብ ዐብድለ ሰዊልሕ ዲብ ሰነት 1994 ለአንበተት ጀርቤ ዐማር ተመር፡ ለተአትናይት ፍገሪት ሰበት ትረከበት ምኡ እብ ጅንሰ ወቅያሰ እግል ትጠወር ልትከደም ሀለ። እብ ሕክመት ወውዛረት ሐርስ እበ ገብአ እግሉ አትናያት ወለተሀየበቱ ጎማት እንዴ ትሰደ ዲብ 5 ሄክታር እብ 400 ዕጩት ለአንበተየ ዐማር ተመር፡ ዲብ ሰነት 2024 ለልትዐመር አርድ ሐድ 48 ሄክታር፡ ዐደድ ዕጩይ ሀዩ 2,500 ዕጩት ክም ወቀለዩ ለሐበረ አሰይድ ዐብደሊ፡ ዲብ 5,000 ዕጩት እግል ልወቅሉ ከድም ክም ሀለ አትአመረ። ዐማር ተመር እብ ሓለት ጀው እንዴ ትሰዴት ወማይ ካፊ ዶል ትረክብ፡ ክል-ሐቱ ዕጩት ምን 50 አስክ 80 ኪሎ እተይ ተመር እግል ተሀብ ክም ትቀድር እት ወዴሕ፡ ፈርያቱ ዲብ ዐዳጋታት



አስመረ፡ ባጽዕ፡ ግንደዕ ወመዳይን ብዕድ ልትባጸሕ ክም ሀለ አፍሀመ። ዐማር ተመር እግል ትፍየሕ እበ ገብእ ለሀለ ጅሀድ፡ የም ዓመት 500 ዕጩት ክም ትሸተለየ ወ600 እግል ልትወሰከ መዳሊት ጋብእ ክም ሀለ እብ ተውሳክ አፍሀመ። ሐረስታይ ፈዳብ ዐብደሊ

ሱወይልሕ እት ደንጎብ፡ ዲብ ዐማር ተመር እንዴ ኢበዋር አራንሺ፡ ዘይቱን፡ ሎቢን፡ ሸጠት ወቅርጡጥ እግል ለዐመር ምስል ውዛረት ሐርስ እት ጎማት ወድራሰት ክም ሀለ እንዴ ሐበረ፡ ጣቀት ጸሓይ እግል ለአቱ ልትከደም ክም ሀለ ሸርሐ።

ኤረትርየዐጸላክ

ክል አርቡዕ ለትጠ'በዕ ጀሪደት

መዳልያይ፡-

- መሐመድ እድሪስ

ለይአውት ወአርተዖት

* ዘሀረ ዐሊ

* ፋዋነ አድም

ተለፎን፡ 121797/201820 (258)

ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡163471-07588045

አትአመርት፡

ተለፎን፡ 125013፡ ዕ.ሰ.ቡ፡ 1284

1^ይ ክፈል

እለ ቅሶት እለ ምን ቅሶስ ኬትባይ ተስፋይ ገብረአብ (በዐቲ ቲራሹሎ) ለተርጀመት ቅሶት ተ። ከእግል የም እለ ቅሶት እለ እበ እግል ነኢትብዬ። እት ዓደት ወነባሪ ምጅተመዕ ብዳዊት ለትትዳገም ቅሶት ዓደት ምጅተመዕ ብዳዊት ተ።

ከእተ መኣንበቲላ ቅሶት ንኡቲ። ኦቤር ወሆሚ እበ ለእግሉ ወደው ዝኩብ (ዐገብ) ረቢ እግል ልጃዝዮም ቱ ለልብሎ ወለሀድጎ ሐዳም ኢኮን እት ምጅተመዕ ብዳዊት። እሊ በሀል እሊ እብ አሰባቡ ብዞሕ ለለአትክሕድ ጋራት ህለ። ሰሮም እብ ስኔትመ ለፈቁዱ ኢትሰኢነው። እብ ክሱሱ ኦቤር ወሆሚ እት ዓደት ወለመድ ምጅተመዕ ብዳዊት እበ ልትሀደግ ወልትደገም ብዞሕ ንቃዋ እግል ልትረፈዕ ቀድረ። ምስል እሊ ክላፍ ወፍንቱይ በሀል ለሳይር እተ ቅሶት ኦቤር ወሆሚ፡ መዳግመ እብ አፈኛ ቱ ለሳይር ለጸንሐ። በሀልት እት ሰጅል እንዴ ትኩቱበ ለጸንሐ እሙር ሐቃይቅ የሀለ። ክምስል ቅሶስ ብዝሓም እተ ወክድ ለሀይ ለጀረ ወእብ ክቱብ ለትወሰቀ ወትሰነደ አድጋማት ክል ምጅተመዓት ኢኮን። ለእማን ህታመ ምንዲ ትገብእ እብ አፈኛ እት ትትዳገም ምን ግም እት ግም ትትሐላለፍ ጸንሐት። እብ ክምስል እሊ እግል ዘመናት ጽንሐት ሐምዴ ወሽክር እግል ረቢ ትግበእ። ለሰብብ ህዬ፡ ለገብእ ምጅተመዕ ለምን ቀዳም አግማሙ ለልትረክብ ቅሶስ፡ እግል ሰዋልፋ ወነባሪሁ ሰበት ለዓቤ ወለሓፍዝ ዎሮት ምን ሰጅላቱቲ። ከእግል የም ምስል እለ ቅሶት እለ እት ሐቲ ምን ቆሚያትን እብ ዴሪር ክልኡት ሰብ ሻም ለትሓኬ እብ ቅራኡት ንታሌ፡ ከትፈደሎ።

እለ ቅሶት እለ ለጀሬት እቲ ወቅት፡ እት ሰነት 704 ልትዋገም። ናይ እለ ቅሶት እለ መዳግማይ ሼክ ዑመር አጎማይት እት ገብእ፡ መስከቡ ህዬ እት ባጽዕ ዐለ። እብ ፈድል ረቢ ህዬ፡ ዕምሩ 104 ሰነት እት ገብእ ፋቀዲቶ ሐንገሎም ህዬ ምስል ዕምር ሽባብ ልትዋገም ዐለ። እሊ ለገብእ እቡ ምን ረቢ ለሐረመየ እቶም ሰኒ ረዩም ዐለው ልትበሀል። ንሳሉ ራትዕ፡ ወዐቅሉ ሓድር፡ ፍክሩ ፋዋን፡ ገርቡ ዑፋይ፡ ቱ ለዐለ። ብልዑ ወስታዩ ምን ምንሕት ሐላሉ፡ ሐሊብ እንሰ ሰቲ ወምን ሲጋህ ልትመወን ቱ ለዐለ። ወሪዱ እምበል ሐሊብ ምንሕቱ ካልእ ዛሪ ኢለአምር። እብ ፈድል እሊ ህዬ፡ ምን አብዕቡ ለሰምዐዩ እግል ልድገም ቱ ለቀድረ፡ አልሐምዱላህ።

ሼክ ያሲን በኒ አሕመድ ሱሌማን ቀቢለቱ ንዋየ እንዴ ከማከመት፡ ከእግል አብዕቡ ሳክኑ

ኦቤር ወሆሚ

ለዐለ ሞዳዩ ወመስክብ አማኑ ድጌ ዐሊ ዑማ እት ግንራራብ ቀይሕ በሐር ግራህ ሀበቲ። ቀቢለት ሼክ ያሲን በኒ አሕመድ ሰሌማን ምን ድጌህ ዐሊ ዑማ ትግዕዝ እት ህሌት እት ግራህ እግል ለለአፈቅድ አሰር ልግበአ ወባይን ድመን ሐቲመ ባይነት የሐድገት።

ድጌ ዐሊ ዑማን ህዬ እተያቱ ለዐለ? ከንዶእ? ለለአምሩ የሀለ። ምን እት ግንራራብ ቀይሕ በሐር ሰምሀር ዳምር ዋድያት ለዐለየ ደገጊት እግል ልግበእ ቀድረ?። ለልብል ወግም ሌግቱ ለፍደበ ተንብእ ለቅሶት። መምክን ምን መዲነት ባጽዕ ሸንክት ጀሀት ቅብለት። ፍንጌ እምቤረሚ ወወቂሮ ለዐለ ድጌ እግል ልግበእመ ቀድር። ሼክ ያሲን በኒ አሕመድ ሰሌማን ወቀቢለቱ። ሚ እንዴ ገብኡቱ ህዬ፡ ምን ሞዳይ አብሁ ወአብዕቡ እግል ልገዐዝ ለቀድረ ለልብል ሰኣል ደሚር እግል በሊስ እቱ ላለሐዜ እት ፍክርክ ለዐርግ ወልትከሬ።



ለወክድ ለሀይ ታእሪክ ክምስለ ደግሙ ቀባይል ብጀእ ኖስ ኖሱ እት ወራር አሕድ ቱ ፍሩር ለዐለ። ምስሉመ ለቀቢለት ሸይምቶም ለዐለት ዐቢ አብ እት ዳሶቅ ኑብር ለዐለ ሰበት ሞተ፡ ክምስል ሰብብ ምግዓዝለ ቀቢለት ሼክ ያሲን እግል ልትርኤክ ቀድር አው ልትዋገም። እለ ቅሶት እለ እግል ትትአምር እቡ ለቀድረት ሰብብ ላኪን ለኦቤር ወሆሚ ለወደዉ ዝንብ (ዐገብ) ዴሪር ቱ ልትበሀል። ሼክ ያሲን ለሰብብ ለምን ሞዳዩ ሰምሀር ወግንራራብ ቀይሕ በሐር አሰክ በርክ ለአግዐዞዩ እሊቱ እንዴ ትበሀለ ድጉም ኢኮን። ለቀቢለት በዲረ አብዕቦታተ ወአበወ ምን እትጀህ በርክ፡ አሰክ ሰምሀር ወቀይሕ በሐር ማጽኣም እግል ኢልግብኡ፡ ወሐርመ ሼክ ያሲን ወራራት ክምስል ሐለዩ አሰክለ አበዉ ወአብዕቦታቱ ነቡሩ ለዐለው ሞዳይ አማኑ ወሰላሙ እቅቡል ኢልገበእ

ለልብል ወግምመ ኢልትሐገል። እት ሰምሀር እግል ልንበሮ ፈነ ናይለ ቀቢለት ክምስልቱ ረቢ ለአርአዮምተ አማን፡ እብ ፈድል ሰልሐም ውሒዝ እኪት ቀደም መዓይሩ እግል ልትሸነኩ ቀድረው።

እት ወክድ ምግዓዝ ለቀቢለት ለዐበ አጽዋረ ቀቢለት ረፍዕ ወለኡትግዕዝ ለዐለ እንሳተ። ዐሰር ሐምስ ምን ሕረምዝ ምስል ውላዶም እልሙዳም ዐለው። ለሐረምዝ ወክድ ለእት አግዳም በሐር ቀይሕ ወገድሞታት ሰምሀር ጀሐር ወክርብ ለአማደደ እቱ ታርፊሆም እግል ኢልፍኔ እንዴ ትበሀለ፡ ምስለ ቀቢለት ጽገዓም ቶም ለዐለው። እግል ወቅት ሰኒ ንቱል ዝላም ወረሐመት ምን ትብዴ፡ ክርብ ወጀሐር እት ሸፍር ለሐድር፡ ሰኖታት እትዕለባት ዐለዩ። ለሼክ ያሲን እልሙድን ለዐለ ሐረምዝ እት ግንራራብ ቀይሕ በሐር ለአገድያሁ ለዐለየ ወቀይ ሐድ ኢኮን። አግኑድ ዕጩይ እግል መትሻቀዩ መራክብ

ሼክ ያሲን ለሳደፈ መሐለኪት፡ ለእግሉም እልሙዳም ለዐለው ሐረምዝ ውላዶን ክምስል እግል አሸከለለ እት አግቡይ እት ተርፍ፡ ለእማቶም እብ ዐንቅየት ወገዓረት ሐነን እት ልብሊ፡ አልባበን ምስል ውላዶን ግራህን ሓድጋቱ ሰበት ዐለዩ፡ ወለ እተ ጠፍሐትመ ምስዳር ገይሰ አበዩ። ክምስል ሀረዲት እት ገበይ እት ልትደራገገ ትረአዩ። እት ጋድሞታት ሰምሀር ክምስል ዓሰ ለሐምስ ክምስል ኢትረአዩ፡ አዜ ምግዓዝ አሰክ በርክ ክምስል መጸኡት፡ ሰበር መትዕዳይ አበዩ። ሐረምዝ ላተ ምን ሺመት ዐድ ሺመት ከደን ሐሰት እቶም አተበለው።

ለሐሰ መንገፎ ናይለ ቀቢለት እት መስኡልየት እንሳቱ ክሩይ ለዐለ። እት ጽዕኔ አዳም ልግበእ ወአግርቡቱ እንሳተ ለእንዴ ጀምለቱ ግኑፍ ላሊ ወአምዕል ትካትር እቡ ለዐለት።

ላመ ጸዓዲ አዳግ ሰምሀር ናዩተ አግደ። አጀኒት ነኦይሽ ወእማቶም እንዴ ትጸዕነዉ አመት ሄራር ገበዮም ወዱው ዐለው። ላመ ቀልዕ አግቡይ አሰክ በርክ ለድሩይ እብ

መጋይሰ አትሓመለዩ። ለእግል ወቅት ረዩም በክት ሺመት ድበዕ ራክባም ለዐለው ሐረምዝ ወሐሬ እት ክድመት ወድ ሚን አደሚ ዶር ዐቢ ለዐለ እግሉም እት ወቅት ምግዓዝ በክተን ኢሰነ እት አግቡይ ታረፈው።

እለ ቅቢለት እለ ትውብተ ለዐለት እንሰ አሰለ ሽለግ ቱ። ሽለግ እዘነ ነኦይሽ ወአምዐይተ ሽፋት፡ ቀላል እግል ሰዐይ ወመዐረይ ጅንሰ እንሳተ። ክምስል እንሰ ብሻሪ ጸዓዲ ኢኮን። ወክምስል እንሰ ዝቤድ ቀይሐት ኢኮን። ዕራሮተ እንሰ ሽለግ። ምስል እበን ወትርበት ሓሽል ህዬ ትትሻበህ። እለ እንሰ እለ ረቢ ለባረከየ እንሳተ። ታረት እንዴ ኢትብል ወቃሰየት፡ ደብር ክምስል ጋድም እት ትሄርር እቱ ክሉ እት መቅጠነ እንዴ ጸዕነት ከክምስል ጀልበት በሐር ሰለል እት ወዴ አሰክ በርክ ረክ አተጅሁት እቦም። ሼክ ያሲን

ክል ዶል ሕርዮኑ እንሰ ዐለ፡ እብ ምርውተ ወኤማን፡ እግል ሰቦት ጣይም፡ ወእግል ጽንዕት ትትጃክል።

ዐጣል ናይ እለ ቀቢለት ለበዝሐ ምኑ ጸላይም ቱ ለዐለ። ጭገረን ሀሽለታት ሰበት ገብኡዩ፡ እግል ልባሰ ልትሸቄ ምኑ፡ ልትፈዐል ዐለ። እሊ አጣል እሊ ምንዲ ኢለዐሌ ለቀቢለት ከንዶእ እንዴ ኢኮን። ምን ታርፊሆመ ዎሮት ወኢተርፈ። ምን ሐሊበን እት ሰቲ፡ ወሰጋህን እት ልትመወፍ፡ ገበይ ሄራሮም አተላለው። አሰክ ቅራቡ እንዴ ኢተርፍ እግል ጋረ እስእኖታት ልትሸቄ ምኑ ዐለ።

ደመሚት ናይለ ቀቢለት እት ወቅት ምግዓዝ ምስል አንሰ ወአጀኒት እት አዳግ ወእንሰ ልትጸዐን ዐለ። አክላብ ላኪን የዐለ እግሉም። ሼክ ያሲን በኒ አሕመድ ምኑ ምድረ ዳምርለ ድጌሁ እት ልግዕዝ ክቡድ ተየልል ዋጅሁ ዐለ። እሰልፍ እብ ሞቱ ለገሀው ወለሐዝዝው ፍቱይ ሼኮም፡ ወበዐል ጅቡቶም፡ ውሓይሰ አበዎም፡ ወበዐል ንሳሉም ለዐለ፡ ሼክ ዓራም በኒ ማልክ ሕፍዛይ ፈቅህ ወቅሰሰ ቀዳምያም ለዐለ ዐቢ ዓልም፡ ሳደፈዮም። ሐቆ ሞትለ ለለሐሹሙ ዐቢ ሼክ ዓራኪ፡ ለቀቢለት ክለ ለሓለት ኢናሰበተ። እሊ ዓልም እሙር ዲን ወእዲነ ላቱ እዴሁ ምን ሰምሀር አሰክ በርክ ትትመድድ ዐለት። እብ ሞቱ ህዬ ተየልለ ቀቢለት ሼክ ያሲን ደረቅሩቅ ገብኡ። ምናመ እግል ፈርሀው ኢፈግረቶም ድጌ ዐሊ ዑማ ሸተን በተን ገብኡ፡ ከአሰሩ ወደንበሩ፡ እምበለ እለ ቅሶት እለ ምን ግም እት ግም እብ አፈኛ እት ትትዳገም አሰክ እለ ለጸንሐት፡ ድጌህም እትለ ዐለ፡ ኢትበሀለ ወእት ሌሀ። እንሳህም ምን መዓቅለ እት ትትሰረቅ፡ አጣሎም ምን ከሌቡ ትዘመተ። ለአትፈክረከ! ሰረ ቀቢለት ንዋየ ምን ከሌቡ እት ልትዘመት ህቶም ህዬ ምን ምዕሰየት ረቢ ፈርህ ዐለው። ዜምታይ ኢማሉ ሐቆ ዘምተ ፈርሀት ረቢ ክምስል ይህሌት እምርተ። ሰራቅ ክል ዶል ምን ክራት ጸሩ እግል ልንሰእ ሰበት ልትፈረር የም ሓራት ክራቱ ምን ዝንብ ወፈዲሐት እንዴ ኢወዴቱ እግል ሰርቅ ለልትፈረር። ረቢ ረግሙ ወመቃብል ውዳዩ ጸር ዝንብ ክቡድ ለአረፍዑ።

ለሰኒን ለሀይ ሕርጊጎ ሰላም ወመስኩበት ኢረክበት። ሼክ ያሲን አሰክ ዳሶቅ ሐሰስ ወመዐር ልልእክ ክምስል የዐለ እግቡይ ትዳብእ እቲ። መቃብሉ እክል ለአተርቦ ወለእግል ሐዘው ለአትጋዱ ዐለው። ሐቆ ሞት ለዐቢ ዓራክ በኒ አሕመድ ክለ ለሓለት ድደ ትቀየረት። ምሽርኪን ምስል መናፍቂን እንዴ ትላበነው፡ ከእግል ፈነ መሳልም ወሐምቅ ውጽዕ ምን አያዩ እርዩም ውሕደቶም አተረደው።

መሰረተ ክብርም ጸሃፊ

ጋሕቲላይ ዲብ ሄራር ባርህ መስተቀበል

እቲ ለሐልፊ ወክድ ሰሕፊ አድም አብሐሪሽ ምስል ጀማቦቲ ቲለል ሽብህ መዲነት ጋሕቲላይ እግል ልድለው፡ ምስል አሰይድ ዘርእሰናይ ጋይም መስኡል ሽብህ መዲነት ጋሕቲላይ መቃበለት ዋድያም ዐለው። ከናይ ዮም መውዱስ ሄራር ጋሕቲላይ ወመስተቀበል ለገንሕ እግል ልግበኡቲ ቅራኡት በኪተት።



አሰይድ ዘርእሰናይ ጋይም

ሽብህ መዲነት ጋሕቲላይ ሐቲ ምን 17 እዳረት ደዋሒ ምዴርየት ግንዳቦተ። እለ እዳረት ደዋሒ እለ ምን እብ ስያሐት እመራት ለወድየ ማይውቦይ፡ ብዝሓም እግል ሰራይ ለመጽእዉ ለትመልክተ። ምስሉ ለህለ እግል መካሪትመ እግል ስያሐት ለልትረቀብቲ። ለህለው ዲበ ሰካን እብ ዓኢለት ዶል እንርእዩ 668 ገብእ ወእብ ትንፋስ ህዩ 8,334 ሽቦብ ለነቡራተ። ዲብ እለ መዲነት እለ 180 ለገብእ ቦዲር ሰካን ፈረሰጌ ለዐለው ሕፋም ሐዘቦት ክም ገብኡ፡ ለትከረው ዲብ እለ ሽብህ መዲነት እንዴ አተው ከደማት እጅትማዕየት ለረክቦ ህለው። ለበዝሐ ሽቦብ ህዩ ቀውምየት ትግሬ እትገብእ ሐድ ምን ሳሆ ወትግርኝመ ነቡረ። መናበረት ሽቦብ እለ ሽብህ መዲነት እብ ርዕዮ፡ ሐርሰ ወዲብ ትጃረት እንዴ ትፈረረ ለልትናበርቲ።

እለ ሽብህ መዲነት ጋሕቲላይ ለህለ ዲበ ከደማት እጅትማዕየት ዶል እንርእዩ ሰልፍ መጃል ተዕሊም ምን ረውደት አስክ ካልኣይ ደረጃት ለተአደርሰ መድረሰት ኑርአልፈጅር ህሌት ዲበ። መጃል ዓፍየት ህዩ፡ ሐቲ ዕያደት ህሌት ዲበ። እለ ዕያደት እለ እግል ክሉ ለልሐምም ለትሳሬ ምንማተ ዝያድ ዲብ እለ ወክድ እለ አስክ መጸበሪ ዐመሲ እንዴ ትዳለ እግል እማት ሐንቲ ሕክምነ ክም ልትፈረጅ ወጅናሆን ወርሐን መራዐየት ክም ትገብእ እግልን ልትከደም ተ።

ከደማት ማይ ለከሰስ ምን እንርእዩ፡ ቀደም እለ እብ ሽቦብ ለትሸቀ ክልኤ መኬለል ማይ ዐሉ፡ ሐድ 175 በርሚል ለጸብጥ፡ ዲብ ሰነት 2023 ላኪን

ምስል ምዴርየት ወአቅሊም እብ መትፋሃም ሐቲ ናይ 380 በርሚል ለትጸብጥ ዲብ ወሬሕ ሰማን እንዴ ተመት፡ ሽቦብ ክሉ ማይ እብ ኑቅጠት ለልትወዛዕ ወዲብ አብያቲ እብ ማሰራት ለሰቲ ጋብእ ምን ህለ። እለ ማይ እለ ዴማቲ ምን ዴል እትገብእ እብ መቶር አስክ ባስከት በጽሕ ምኑ ህዩ ዲበ ሽቦብ ለሰቲ ምኑ ኑቃዋ ወማሰራት ልትወዛዕ። እለ መንጠቀት ህዩ እብ ናይ ከርሰ አርድ ማይ ሰኒ ርዝቅት ሰበት ተ መሻክል ናይ ማይ ኢህላኒ። እብ ሰበት ማይ ጋሕቲላይ ዶል ንትሃጌ ህዩ ናይ መዓድን ማይ ጋዝ ሱባርጎመ ለልትበህል ዲብ አስመረ ለልትጠበዕ ማይ ምን እለ መንጠቀትቲ እብ ቦጣት እንዴ ትጸዕነ ለገይሰቲ።

ከርህበት ምን እንርእዩ፡ ሰልፍ ቀደም እለ ከርህበት ዲብ እለ ምግብ ወአዋራፍ ጽርግዩ ለህለ አብያት ሌጣት ለዐለት፡ ዲብ ብዕድ ሰበት ኢበጽሐት ህዩ ዲብ ሰነት 2020 ወ2021 ሰዓይት እብ ምዴርየት ወእብ አቅሊም እንዴ ገብኡት፡ ሽቦብ ዲብ ክሉ እንክር ብኑይ ለህለ አብያት እብ ደረጃት ለጅነት እንዴ ትረኣ ዐዳድ ክም ረክብ ገብኡ። ምን እለ መዲነት ወኬን ህዩ ዲብ ማይዑይመ ከዋ እንዴ ትመደደ ከርህበት እግል ትብጸሕ ልትከደም ህሉ ታርፍ ለህለ ዲብ ክል ቤት ዐዳድ ወዝዞቲ። ብዕድ ዲብ ናይ ሰነት 2025 ጽቡብ ለህለ እቲ አሳሰያይ ከዋ ናይ በጼዕ አስመረ ክምሰልሁመ ከዋ ጋሕቲላይ ሽቦብ ናይ ሶላር መብረህት እግል ልግበእ ስታት ህለ።

መጃል ሐርሰ፡ ዲብ ሐርሰ ለልትፈረሮ ሐድ 300 ሄክታር ለገብእ ዲብ ገበይ ማይ ወውይ ወእንክር ፈሻሽ አስክ ሱባርጎመ እብ ክሉ አዋራፍ ናይ እለ ሽብህ መዲነት ህለ። ዲብ እለ ሐርሰ እለ ፍፋራም ለህለው ረስምዩን አስክ 200 ነፈር ለበጽሐ ሐረሰቶት ህለው። እሎም ዋጅብ ደራይቦም እት ደፍዖ ግርሆም ለልሐርሶ ቶም። ዘርእ ለከሰስ ህዩ ዲብ እለ ባካት ለኢልትዘራእ ጅንስ ኢህላኒ፡ ክሉ ለሀብካሁ ለልትከበት ምድርቲ።



ክም መሰል ፋል፡ ማሼሉ፡ ዕፋን፡ ብልቲብ፡ ብርጪቅ ወተመር እግል ናሱ ዲብ እለ ባካት ክም ፈሬ ለትአከዳቲ። አዜ መአሰሰት ተዋብ ንዋይ ወብቅል ዲብ እለ ባካት ዐዲ ዕሌ ፋል ዘርኣ ህለው። ሐረሰቶት እለ ባካት እዕትማዶም ዲብ ዝላም ከረምቲ፡ ቀደም ከረም ህዩ ሽቦብ እብ ማእቶት ግርሁ ክም ከድም ወለ ቀጥረት ቅጥረት ዲብ መንፈዕት ለትውዕል እቡ ካድም እግል ልውደው፡ እብ እዳረት ሐብሬ ልትህየብ ወዲብ



እለ እብ ሕበር ልትፈረሮ። ዝላም ክም መጽአት ህዩ እብ ናይ ሕክመት ትራክተራት እብ ዐውል ራተዕ ክል ሐረስታይ ክድመት ክም ረክብ ገብኡ።

ፈረዕ መአሰሰት ተዋብ ንዋይ ወብቅል ዲበ ባካቶም ህለዮተ ለአምጽአዩ ተቅዩር፡ እሎም ናይ ብሐሰ ወመአሰሰት ተዋብ ንዋይ ወብቅል አሳሲ ዓመድ ናይ እለ መዲነት ቶም። እግል ተጠውረ

ወሰካና በክት ሸቅል እግል ልርከቦ ዶሮም ዐቢቲ ለህለ። ክም መሰል ሐንቲ ናይ ቡሐሰ ለህሌት ውሕደት 30 ነፈር ወሐንቲ ተዋብ ንዋይ ወብቅል 200 ምን እለ መዲነትን ዲብ ሸቅል እንዴ ትፈረረው እብ ድራሮም ለዐይሮ ህለው።

አሸቃል ካረሮት ወሻርዖት ለከሰስ እት ወዴሕ አሰይድ ዘርእሰናይ፡ ሰልፍ ክሉ እለ መዲነትን እብ ሲሰባን ክል ቤት ባክ ለህሌት ቤት ለኢትርኤቡ ቃበት ጋብኡት ዐለት። ከእለ

ደካኪን፡ ፈርመሸየት ወብዕድ አስክ ናይ መትፋግዲ ለገብእ እንዴ ትበነ ጋሻይ ወወድ ዐድ ልትነፋዕ ምኑ፡ ሐድ 62 መአሰሳት ከደማት አሰዋግ ህለ ዲበ። እት መስተቀበል ተክጢዋ ወብዕድ ጠለባት ሽቦብ እበ አስሰ እብ ደረጃት ሕክመት እንዴ ተሐሰበ ንትጸበሩ ለህሌት። ልብል አሰይድ ዘርእሰናይ።

ፈሀም ሽቦብ እግል ዓበዮት እብ ደረጃት ሽብህ መዲነት ክለን መአሰሳት ሕክመት እብ ሕበር እንዴ ተነዝመየ ክም ክሸቦ ወሰነት ህዳይ ለኢበጽሐየ አዋልድ አትሃደዮት፡ ፈሀም ሽቦብ ዲብ መትነፍዖቲ እግል ዓበዮት እብ ደረጃት መዲነት ለጅነት እንዴ ገብኡት እግሉ ክል ቤት ከናየ ሸቃቅ ለትወዴቡ አምር ወፈሃዕት ሌጠ እንዴ ኢገብኡ፡ ክም ጅብር እንዴ ትነሰኣ ሰካን መዲነት ጋሕቲላት እግል ሸን እንዴ ቤለው ከደን ክም ኢፈግር ዲበ እብ ንዝም እንዴ ሐፍረው ለበከዉ ክም ልትነፍዖ ገብእ ህለ። እት መጃል ተዕሊም መ ክል ዓኢለት ሰነት ተዕሊም ለበጽሐ ውላደ እግል ተአደርሰ ወትዐልም ተዕሊኡት ገብእ ወነቲጃቲ እንዴ ትሰኔ ትገይሰ ህሌት።

ናይ መስተቀበል በርናምጅ፡ “እብ አውለውየት ዲብ እለ ባካት ሸቅል ሸቅል ዕጪይ ቀደም ለገብእ እንዴ ትረኣ ዲቡ እግል ንክደምቲ። እግልሚ መንፈዕት ዕጪይት እትሉ አርድነ አካነ ሰኒ ምህም ሰበት ተ፡ ዲብ እለ ሰነት እለ እብ እህትማም እግል ንቅነጽ እቡቲ። ዲብ ክሉ ሸዋርዕ ወእብ ፍንቲይ ዲብ ሻርዕ ጋሕቲላይ ሽቦብ ሚም እግል ኒዴ ዲቡ ሕፈር ሓፍራም ህለኒ። ክል ቤት ህዩ ዕጪይ እግል ትሸተል ሽቦብ እብ ተዕሊኡት እፍሁማመ ህለኒ። ብዕድ ሰዓይት ግዱዓም ወዓኢለት ሹሃዳእ እብ ደረጃት መዲነት እግል ኒዴመ ክም በርናምጅ ጸብጣሙ ህለነ” ልብል አሰይድ ዘርእሰናይ ጋይም።



ሐጪር ታሪክ ሐያት ሙናድል ገዲም ወዚር ሕኩማት አቃሊም ወልደንክኤል አብርሃ

(ዲብ ዓደት ቀብር ለትቀረክ)

ሐይላም ወሐይላት

የም ትሩድ ፍቲ ሸዐብ ወወጠን፡ ትሩድ ምራድ ሓዚ ሕርየት ከምሰልሁመ አማነት ወመትሰባል፡ ሰባት እት ሀደፍ ለዕላመቱ ቅዩም ንዓል ሸዐብ ኤረትርየ ምን ለመልኮ ወዲብ ሐዲስ አጅያል ክም ሰብቅ ለወደው ክም መሰል ለልትሸራሕ፡ እብ መሰባሉ ወናይ ሰያሰት በሻለቱ ብቁዕ ሚርሓይ ምን ንኡሽ ዕምሩ እግል ዐውቲ ንዓልነ ዋድሕ ዶር ለአውፈ ሙናድል ገዲም ወዚር ሕኩማት አቃሊም አሰይድ ወልደንክኤል አብርሃ እብ ውቅል ሕሽመት ንትሳራሕ ምኑ ህሌን።

ዲብ የም 22 ማርስ 1938 ምን 8 ውላድ ለአፍሬት ዓኢለት አሰይድ አብርሃ ዐንደሚካኤል ወአሰይደ ትዕቤ ገብሩ ዲብ አሰመረ ለትወለደ መለልይ ወልደንክኤል ናይ መእንብታይት ደረጃት ተዕሊሙ እት መድረሰት ሕብረት፡ ምግባይ ደረጃት ተዕሊሙ እት መድረሰት ቤት ገርጊሽ ወናይ ካልኣይት ደረጃት ተዕሊሙ ህዩ ዲብ መድረሰት ስኮለ ሺቶርዮ (ሐር ልኡል መኮንን) ታበዐ።

ምን 1957 አሰክ 1958 ዲብ መርከዝ አዳለዮት ሙደርሲን (ቲቲሲ) እንዴ አብ እብ ሸሃይት ሐቀለ ትደሐረ ህዩ ምን 1960 አሰክ 1964 ዲብ ናይ አድርሶት ሸቅል እንዴ ትፈረረ እት እምበይቶ፡ ሸማንጉሰ ለዓል፡ እምበደርሆ፡ ወኪ ወዐድ ተከሌዛን አድረሰ። እት ትልህየ ኩረት እገርመ ፍንቲይ መትሐሳር ሰበት ዐለ እግሉ፡ ምን 1955 አሰክ 1964 ምሰል ፍረቅ ሰንሐት፡ ለምዝ ሰሐርቲ፡ ፎረብዩ ወስቲለ ኤረትርየ ተልሀ።

ውቁል ምራድ ተዕሊም ለዐለ እግሉ ምሕርባይ ወልደንክኤል ምን 1966 አሰክ 1967 እት አልቃሂረ ኢንሰቲትዩት ፓሊቴክኒክ እብ አርክቴክቸር ናይ ሐቲ ሰነት ተዕሊሙ እብ ዐውቲ አትመመ። መዋ-መጦር እሊ ክም ክሎም ናይለ ወክድ ለህይ ሸባብ፡ ዲብ ንዓል ሰያሰት ሕርየት ኤረትርየ እግል ልሻርክ አሰብደ።

ምን 87 ሰነት ዕምሩ ለ 64 ዲብ ንዓል እግል ወጠን ወብንዩት ወጠን ለሓለፈ ምሕርባይ ወልደንክኤል አብርሃ እግል መትሰባል ወፍርሰነት ምሕርባይ ኤረትርይን ሙናድሊን እብ አኪድ ለወክልቲ።

ዎሮ ምን አሰክ ዕለት እስትሸሃይም ምራድ ሸዐብ እግል አትመሞት እምበል ሕላሌ እብ ኤማን ለናደለው፡ ትሩድ ፍቲ ሸዐብ ወወጠን ምን ቦም ውላድ እለ ሐላል አርድየት ቲ። ምን ሰነት 1961 አሰክ 1964 ዲብ ሐረከት ሕርየት ኤረትርየ



(ሐረክ) እንዴ ትዝመ ዲብ እት አሰመረ ገብእ ለዐለ ክም ምሰኡል መጅሙዐት ለአሰብደ ናይ ሰያሰት ግድላሁ አሰክ ሚዳን እንዴ አብ ዲብ ቅዋት ሸዕብየት ተሕሪር ኤረትርየ ለትሓበረ እብ ሰነት 1974 ህዩ እት ሱዳን ወመሰር አተላለዩ።

እት 1962 መለሀይ ወልደንክኤል ወጀማዐቲ ቅብላት እስትዕማር ንዛም ሀይሌሰላሴ መቃወሙት እብ አሰምየት “ምራድ ሸዐብ ኤረትርየ ሕርየት ቲ፡ እስትፍታእ እግል ሸዐብ ልግበእ፡ ሕብረት ምሰል አቶብዩ እነክር” ለልብል ሰቅራታት ለብዲቡ እንዴ ሐረከው እብ ሂገ ትግርኛ፡ ዐረቢ ወእንግሊዝ መቃወሙቶም እብ አሰምየት እግል 3 ወሬሕ ዲብ 1963 መ እብለ ለትመሰል መቃወሙት እግል 4 ወሬሕ ዲብ ካርፕሊ ተአሰረ። ምን እሊ ክም ፈግረ እብ መምርሕ ‘ሐረት’ አሰክ ሱዳን ጌሰ። ዲቡ ህዩ ሐረከት ስምረት ኤረትርየን እግል ሕርየት እንዴ አሰሰ ምን ሰነት 1964 አሰክ 1965 እግል ዲብ ሱዳን ለዐለ ኤረትሪ ዲብ ነዝሞት ወሐረኮት ከድም ሐቀለ ጸንሐ፡ መለሀይ ወልደንክኤል ዲብ ደንጎበ 1965 አሰክ 1969 አሰክ መሰር እንዴ ጌሰ ርኢስ ‘መሕበር ኤረትርየን እግል ሕርየት’ እንዴ ገብእ መርሐ።

ምሕርባይ ወልደንክኤል አብርሃ ምን ሰነት 1970 አሰክ ሰልፍ 1974 እት ሐን ዕዛል ቅዋት ሸዕብየት ተሕሪር ኤረትርየ እት ምውዳቅ ጸሓይ ጀርመን እንዴ ጌሰ ዕዳ ውቅልት ለጅነት ‘መሕበር ኤረትርይን እግል ሕርየት’ ዲብ አርብ እንዴ ገብእ ንዓሉ አተላለ። ለመሕበር ቅወቱ እት አርብ ክም አተረደ ህዩ ሀደፍ እንዴ አትመመ አሰክ ሚዳን አተ።

ሸሂድ ወልደንክኤል እት አርብ ለዐለ ዲቡ ወክድ ምን ወሬሕ አጎሰ 1970 አሰክ 1973 ዲብ ሙኒክ፡ ኑረምበርግ፡ ፓሺያ ወጦሎኛ ለትሰርገለ አርብዕ ሙእተመራት ኤረትርይን ደረሰ ወሸቃለ ዲብ ነዝሞት ወምርሐት ወለ ንኡሽ ለዐለ መትነዝም እንዴ ራሕብ ሸዐብ ክም ልትነዝም ወልፋዛዕ ክምሰልሁመ ተእሲር ናይለ ልትብገስ ለዐለ

ቅዋት ሸዕብየት ተሕሪር ኤረትርየ እግል አርሐቦት ዐቢ ዶር ለዐለ እሉ መለሀይቲ።

መለሀይ ወልደንክኤል ዲብ ወሬሕ አብሪል 1974 እግል ልናድል አሰክ ሚዳን ክም መጸ እት ገረግር አሰመረ ናይ ሰለሰ ወሬሕ ተዕሊም ክም ተህየበ ዲብ ጀማሂር ትዩመመ። አሰክ 1979 ህዩ ዲብ ሸማሂር መሰኡል 06 ድዋራት አሰመረ እንዴ ገብእ ከድመ። እት 1979 ለገብእ መአሰሳይ ሙእተመር መሕበር ሸቃለ ኤረትርየ ህዩ ክም ርኢስ እንዴ ገብእ ተሐረ። አሰክ 1987 እብለ ሰልጠት እለ እት ቀበት ዐድ ወካርጅ ከድመ። መዋመጦር እሊ ርኢስ ናይለ ለዐለ ሐረካት ሸዐብ ወመሓብር እንዴ ገብእመ ዲብ አተረዶት መትነዝም ወአትፋዝየት መዋጥኒን ውቅል ተረት አውፈ።

ሐቀ እሊ፡-

ምን 1987 አሰክ 1991 ሰክረቲር መክተብ መርከዚ ጀማሂር፡

ምን ጁን 1991 አሰክ ዲሰምበር



1994 መሰኡል በዐል ሰልጠት ሚናት ወመዋሰላት በሐር፡

ምን ጀንዋሪ 1995 አሰክ አጎሰ 1997 ሓክም አቅሊም ምግብ፡

ምን ሰብተምበር 1997 አሰክ ኖቨምበር 2000 ሰፊር ኤረትርየ እት ጀርመን፡

ምን ዲሰምበር 2000 አሰክ ፈብራራር 2003 ሓክም አቅሊም ግብለ በሐር ቀየሕ፡

ምን ማርስ 2003 አሰክ

ማዮ 2014 ወዚር መዋሰላት ወእትሳላት፡

ምን ጁን 2014 አሰክ አምዕል እስትሸሃዱ ህዩ ወዚር አቃሊም መሐልዩ እንዴ ገብእ ክም መሰል እተገብእ መርሐ ወክድመ።

መለሀይ ወልደንክኤል እት አምጽኦት ሕርየት ወሐሸሞት ሰያደት ወብንዩት ወጠን ለሓለፈዩ ዝያድ ሰለሰ ርቦ ምን ዕምሩ፡ በራምጅ ዲብ ከጠጦት፡ ታብዖት ወአውቀዮት እብ ፍንቲይ ለልትአመር ምሕርባይቲ ለዐለ።

እት አወላይ ወካልኣይ ሙእተመር ተንዝም ዕዳ ለጅነት መርከዝየት ጀብሀት ሸዕብየት፡ እት 1994 ዲብ ለገብእ ሳልሳይ ሙእተመር ተንዝም ህዩ ዕዳ መጅልስ መርከዚ ወወጠንያይ መጅልስ እንዴ ገብእ ለትሐረ ሙናድል ወልደንክኤል አብርሃ፡ እት ወሬሕ አክቶበር 1993 እብ ንዝም ወረሰሚ ምሰል ሙናድላት ልኡል ሀብቲ ዐቅድ እንዴ አሰረ በዐል ዕያል ወአብ ሰለሰ ውላድቲ።

ዲብ ወሬሕ ኖቨምበር 2007 እት ለወደየ መቃብለት፡ መለሀይ ወልደንክኤል “አነ ዲብ ጀብሀት ሸዕብየት ክም ተሓበርኩቲ ዝያድ ለደረሰኩ፡ ምሰል ዲብ ክሉ መጃል ንዓል ለዐለው መልህያም ሐቲ እግል እምሰል ለቀደርኩ። ክሉ ናይ መትፈናታይ አሰባብ ወድሀር አፍካር እንዴ ጋበህክ ኤረትርየ እግል ኤረትርይን ክም ገብእ፡ ናይ ምግብ መፋህመት እንዴ ወዴክ እግል ትናድል ወተአናድል ቅድረት፡ ናይ ለበዝሐው ኣዕዳእ ለኢልትፈታሕ ዕንዳቄ ሰበት ዐለ፡ ዲብ ናይ ደንጎበ ሀደፍ እግል ልትበጸሕ አቅደረ” እትልብል



የም 24 ማዮ 2025 አሰትሸህደ። የም 27 ማዮ 2025 ህዩ ሓይሰ ርኢስ ኢሰያሰ አፍወርቂ፡ ውቁላም ሰብ ሰልጠት ሕኩመት ወጀብሀት፡ ቅያደት ዴሽ፡ ሚርሐት ደያነት፡ ዐኢለቲ፡ መልህያሙ ወእብ አላፍ ለልትዐለብ ሸዐብ እት ለሐድረየ ዲብ መቅበረት ምሕርባይት አሰመረ እብ ውቅል ሕሽመት ትቀበረ።

ክእኒ ለመሰል ቃሊ መለሀይ፡ ዐቢ ካድር፡ ናጅሕ ሚርሓይ ዲብ ለእንሳርሕ እቲ ክም ዐኢለት፡ ፈተኛ፡ ወመልህያም ንዓሉ ወመሻቂቲ ክቡድ ሐዘን እቡ እግል ንሸዐር ጠቢዒቲ። ምናተ እንብዕነ ወሐዘን እንዴ ከሀልነ ዲብ ለትህየቦ ዕምር ጀላብ መንዴረት ወወጠን እግል አውቀዩ፡ ክም መሰል እቡ እት ንትሐዘን ክምሰልሁመ እግል ለአሰትሸህደ እግሉ ሀደፍ ዲብ ኮቲመ እግል አብጽሐት ገለድነ እት ነአትሐድሰ “እብ ሰላም ዓርፍ ምሕባይ” እት እንብል ንትሳረሕ ምኑ ህሌን።

ሕኩመት ኤረትርየ ወጀብሀት ሸዕብየት እግል ዲሞቅራሚየት ወዐዳለት፡ እብ እስትሸሃድ

ቅዩም ጀብሀት ሸዕብየት ወለናደለ እግሉ ኣህዳፍ እብ ቀለም ደሀብ ውሱቁ ልትረከብ።

ሙናድል ወልደንክኤል አብርሃ እብ ውቁል ፍቲ ወመትሰባል ካምል ዕምሩ ጀላብ ሸዐብ ወወጠን እንዴ ሰበለ ከድም ሐቀለ ጸንሐ፡ እበ ለሳደፈዩ ሕማም እት ቀበት ዐድ ወካርጅ ናይ ሕክምነ መራዐየት ገብእ እሉ ሐቀለ ጸንሐት፡ ዲብ

ሙናድል ገዲም ሰቡል መለሀይ፡ ሚርሓይ ወዚር አቃሊም መሐሊ ወልደንክኤል አብርሃ ለትሰመዐዮም መሪር ሐዘን እት ሸርሐ፡ እግል ክሉ ሸዐብ ኤረትርየ ክምሰልሁመ እግል ዐኢለቲ ወጀማዐቲ “ኤማን ወሰብር ለሀበኩም ወለሀበነ” ልብሎ።

ዳይም ዝክር እግል ሹሃዳነ! ዐውቲ እግል ገቢል!



3^ይ ወናይ ደንበኑ ክፋል

መዓል 22 ማየ

ዲብ እለ አምዕል ክፈል-ዴሽ 85 ሳዕት 6:15 እስቡሕ ህጃም እንዴ አንበተ፡ እብ ድማን ሕግሰ ወቀርቲ ለህለ ትብብ እንዴ ጸብጠ፡ ድማን ወድገለብ ጽርግዩ ክምሰልሁመ እግል ዐዲ ዛምር ወዝባን አንገብ ሐቆለ ጸብጠ፡ ዲብ ባካት ሐርመት ጉወ - ወርዕዝ በጽሐ። ወርዕዝ ሰኒ ውቅል አካን ወሰዋትር ትሩድ ዐለ እተ። ውሕዳት 85 ወርዕዝ እግል ልጽበጠ ክልኤ ዶል ለወደያሁ ህጃም ሰበት ኢትሰርገሎ፡ ዲብለ ባካት እግል ልትመየ ትቀሰበዩ።

ክፈል-ዴሽ 52፡ ህጃሙ ሳዕት 7፡ 30 እስቡሕ እብ ደቂናዝ አንበተ። ባካት ሳዕት 11:00 ህዩ እግል ወቀርቲ ጸብጠ። ሐቆ እሊ ሄራሩ እንዴ አተላለ ዐደ-ርዐደ እንዴ ኢለአቲ ዲብ ጠረፍ ናይለ ዐድ እተ ህለ ዐነክል ዲብ ልትሓረብ ትመየ። እሊ ዲብ ገብእ እብ ጀህት ሰለሕ ለዐለ ውሕዳት አስክ ቅብለት ምፍጋር ጸሓይ መዋቅል ወቀርቲ ፈግር እት ህለ፡ እብ ጋድዋታት ህዩ ጋዴን እንዴ ጸብጠ ትመየ።

ክፈል-ዴሽ 16 ምን አብ'ረት አውሊዕጽ፡ ወአድግኻ ጽብሕ ምድር እንዴ ትበገሰ፡ እብ ዐዲዛምር እንዴ አበለ ምን ደምበ አስክ ምውዳቅ ጸሓይ ወርዕዝ ለህለ አካናት ሐቆለ ጸብጠ፡ ዲብ ደምበ እግል ህለዩ ክልኤ ፎርቶ ወእግል አዘይሐ ወድዋራተ እብ ቀሊል እንዴ ጸብጠዩን ትመየ።

ክፈል-ዴሽ 70 ምን ኮርባዩ ወድዋራቱ እንዴ ትበገሰ፡ ገሌ ክፋሉ ጽርግዩ ሽኩቲ እንዴ በትኩ፡ መንጉደ ልጸገዕ እት ህለ፡ ገሌ ክፋሉ ህዩ እግል ድባርወ ለራቅብ ዐነክል ዐዲ-ረእሲ ሐቆለ ጸብጠ፡ አምሱይ ሳዕት 8:00 ድባርወ ሐረረ። ገሌ ክፋሉ ውሕዳት ህዩ፡ አስክ ተረእምኒ ትቀደመዩ። ምናተ ተረእምኒ እንዴ ኢበጸሐ ዲብለ ህለ ጋድም፡ አባይ 20 ደባበት ወብዙሕ ዴሽ እዳሉይ ሰበት ዐለ፡ እንዴ ትከረዐዩ ተረእምኒ እንዴ ኢበጸሐ ትመየዩ።

መዓል 23 ማየ

ዲብ እለ አምዕል እለ ክፈል-ዴሽ 52 ህጃሙ ሳዕት 5:30 እስቡሕ እንዴ አንበተ፡ ሳዕት 11:00 ዲብ ዐደርዐደ ወጉወ ለትመየ ዴሽ አባይ እንዴ ጸርጉ፡ ድማን ወድገለብ ገበይ እንዴ ጸብጠ ገጽ ቀደም እት ልሄርር፡ እግል ዝግብ ጸብጠ ከአፈት ዐዲ-ሐወሽ ሽእጉ። እብ ጋዴን ለፈግረ ውሕዳት ህዩ እግል ሐርመት ቀጸለ እንዴ ጸብጠ ዲብ ሐቆለ ተሐየቡ፡ ዝግብ ዔረ ወዲብ ዝግብ ትመየ።

ዲብ ሕግሰ ወርዕዝ ለትመየ ክፈል-ዴሽ 85፡ እበ ዐለት እሉ ሕድት መቅደረት አዳም ወምርታራት ወርዕዝ እግል ልጽበጠ ህጃም ምንመ ሀረሰ፡ እብ ጀህት ድገለብ እንዴ ኢልትረኤ ለጸንሐ ዎሮ ሽለቀ አባይ እብ ሰምዋ እግል ልህጀሙ ሰበት ጀረቡ፡ ገጽ ግረ አቅበለ። እንዴ ጸንሐ ሳኪን አዳሙ ወሰልሐ እንዴ ነዘመ ህጃም ጠለቀ ከእግል

አምዕል ሰንበት ለባርሀት

ወርዕዝ ጸብጠዩ፡ ምንቀደሙ ዋጅሁ ለዐለ ድቁብ ሽፍ እት ልትባጠር ህዩ፡ ዴሽ አባይ እት ጌልል ገጽ ቀደም እት ለአለምቤ እምበይቶ፡ ዐዲ-ቀሺ ወዐዲ-አሕደርም ጸብጠ።

እብ ጀህት ምውዳቅ ጸሓይ ወርዕዝ ለዐለ ክፈል-ዴሽ 16፡ ወርዕዝ እንዴ ኢትጸበጥ እግል ልግበእ ለቀድር ሰበት ኢዐለ፡ ዲብ እለ አምዕል እለ፡ ውሕዳት ክፈል-ዴሽ 16 ቴለል ወርዕዝ ዲብ ታበዐ ተርቲበን እት ለአትሓይሰ አጽበሐዩ። ሐቆ መትጸባዋ ወርዕዝ ህዩ ህጃም እንዴ ሀረሰዩ እግል ዐዲ-ቀሺ (ምስል ክፈል ዴሽ 85 እንዴ ጸብጠዩ) እግል ዐዲ-ሀከፈ ምን ግራሁ ህዩ ዐደምዘማት (ምን ግረ ምስል መጽአው አንፋር ሰለለ 72 እት ልትዓወን) እግል ልጽበጠ ቀድረ።

ዲብ እለ አምዕል እለ፡ ዲብ ባካት ተረ-እምኒ እንዴ ገብአ ዳፊዕ ለትመየ ዴሽ አባይ ደባባቱ እንዴ ጸብጠ አስክ ድባርወ አተጀህ። ለዲቡ ዐለዩ ውሕዳት ክፈል-ዴሽ 70 እንዴ ካዩደ አስክ አስመረ እግል ልሕለፍ ህዩ ለትትቀደሩ ወደ። ሐድ ዴሽ ወሰለሰ ደባበት ህዩ አስክ አስመረ ሐልፈው። ለተርፈ ዴሽ ወደባባት ላቲ እብ ተማሙ ትጸበጠ።

ግረ እሊ ገሌ ክፋሉ ውሕዳት ክፈል-ዴሽ 70 አስክ መንደፈረ እንዴ ሄረረዩ ሳዕት 1:00 አደሐ መንደፈረ አተዩ። ሄራረን ዲብ ለአተላልዩ ህዩ ዐዲ-ኳለ በጽሐዩ። ዲብ ዐዲ-ኳለ ወድዋራተ ለዐለ ዴሽ አባይ፡ 22 ማየ አስክ ትግራይ እግል ልትዐዲ ዲብ ክሳድ-ዕቀ እብ ሐቲ



ብርጌድ ዴሽ መሐሊ ወውሕዳት ሀንደሰት እንዴ ትከረዐ ክሉ ክምሰል ሰልም ወሰልሐ ክምሰል ከሬ ገብአ። ሐቆሁ አስክ ትግራይ ተዐደ።

ለዲብ ድባርወ እብ ሽኩቲ እንዴ ወደ አስክ መንጉደ ለሄረረ ውሕዳት፡ መካሪት ምድር ሰበት ኢሰደዩ ዲብ እለ አምዕል እለ መንጉደ እግል ልጽበጠ ኢቀድረ። ምናተ ገሌ ውሕዳት ናይለ ክፈል-ዴሽ ላሊ ጀህት ምውዳቅ ጸሓይ እንዴ ትመደደዩ ሮራብ ፋግራት ትመየዩ።


መዓል 24 ማየ

ዲብ እለ አምዕል እለ ክለን ውሕዳት እበ ዐለዩ እቲ እትጀሃት እንዴ ትመቅረሐዩ ህጃማተን ዲብ

ለአተላልዩ ገጽ ቀደም ሄረረዩ። ክፈል-ዴሽ 52 እበ ትብገሰት እቡ እትጀህ አባይ እምበል ለገአት መቃወመት እግል ልህረብ ሰበት አንበተ፡ ገሌ ውሕዳት ድማን ወድገለብ ጽርግዩ አስመረ ዐዲ-ሐወሽ እንዴ ጸብጠዩ እት ኩርብ እምበይቶ ፈግረ እት ህለዩ፡ ባካት ሳዕት 11:00 ህዩ ብሎኮ ጎዳይፍ በጽሐዩ። ገሌ ክፋሉ ውሕዳት ክፈል-ዴሽ 52 እብ ጀህት ዐዲ-ሐወሽ ወጸሎት አስመረ ሐቆለ አተዩ፡ ምን ጀብህት ግንደዕ ወዐዲ-ሮሶ እንዴ ልትጌልል እግል ልምጸእ ለቀድር ዴሽ አባይ እግል ልክረዐ እብ ሽፋግ እብ ማይ-ጨሆት እንዴ ወደዩ አስክ ቤት ገርጊሰ አተጀህዩ። ለምን ጀብህት ግንደዕ ወዐዲ-ሮሶ ለሽክተ ብዝሐ ለቡ ዴሽ አባይ ዲብ ቤት-ገርግሽ ሽወዩ እግል ልትቃወም አንበተ። ምናተ እለን ውሕዳት ዴሽ ሽዕቢ እብ ቀሊል ራቀቢያሁ። አባይ እግል አስመረ ተረግ እንዴ አበለ እግል ልህረብ ሰበት አስተብደ ክፈል-ዴሽ 52 ህጃማተ እትለ አትመመት።

ክፈል-ዴሽ 85 ዲብ እለ አምዕል እለ ለገብአት ትግበእ መቃወመት አባይ እንዴ ኢልትሃደፋ ክርብ እምበይቶ እንክር ድማን፡ መርሐኖ ህዩ እንክር ድገለብ እንዴ አትለ አስክ መከረዩ ዋያራት አስመረ አተ።

ክፈል-ዴሽ 16 እስቡሕ ሳዕት 6፡ 00 ምን ዐዲ-ቀሺ፡ ላምዝ ወዐዲ-ሀከፈ እግል ህጃም ትበገሰ። ለገብአት ትግበእ መቃወመት አባይ ሰበት ኢዐለት ህዩ፡ ባካት ሰዕት 10፡ 00 አዳሕዩት ዐዲ-ጓዕዳድ አተ።



ጸሓይ እብ መጣር አስመረ ለአተዩ ውሕዳት ክፈል-ዴሽ 70 እብ ጀህተን፡ እግል መዐሳክር ትራክሲ ወትራክብ ወቁሽት እንዴ ጸብጠዩ ህጃማተን አተመመዩ። ለአስክ ዐዲ-ኳለ ወክሳድ-ዕቀ ለጌሰዩ ውሕዳት ህዩ፡ ዮም 24 ማየ፡ ምን መንደፈረ እንዴ ትበገሰዩ እብ ገበይ ዐረዘ፡ ባርንቶ አተዩ። ምስለ ዲቡ ለጸንሐዩ ምን ጀብህት ከረን ለመጽአዩ ውሕዳት እብ ሕበር አስክ ተሰነይ እንዴ አተላልዩ ህዩ እንዴ ትፈንጠረ አስክ ሱዳን ለሀርብ ለዐለ ሐድ 80 አልፍ ዴሽ ደርግ እንዴ ጸብጠዩ ወራተን አትመመዩ።

ለእብ ጀብህት ደቀምሐሬ ለአንበተ ናይ ካቲመ ህጃም እበ ዲብለ ጀብህት ርቱባት ለዐለዩ 4 ክፈል-ዴሽ በህለት 16፡ 52፡ 70፡ 85 ምስል መከናደዝድ ብርጌዳት 73 ወ34 ውበዕድ ሴድዩት ውሕዳት ለገብአ፡ ዛይደት መሻረከት ገቢል ለዐለ እቲቲ። 23 ማየ አባይ እግል አስመረ ወክረን ተረግ እንዴ አበለ እግል ልህረብ አስክ ተሰነይ ክምሰል አተጀህ፡ ዲብ ጀብህት ከረን ለዐለዩ ውሕዳት ዴሽ ሽዕቢ ዲብ ባካት ሐሊብ-መንተል እብ ከቢን ብዙሕ ዴሽ ወአስለሐት አባይ ለአተርፈ እት ህለዩ፡ ሰረን ባርንቶ ወተሰነይ እንዴ ሐልፈዩ፡ ዮም አለቡ ዴሽ ወሰለሕ ጸብጠዩ። እምበል እሊ ዲብ ባርንቶ ለዐለው አንፋር ሀንደሰት ውብዕዳም ምናድሊን አጅሀዘት እግል ለሀርብ ለዐለ ዴሽ አባይ እግል ልጽበጠ ወመምተለካቲ እግል ለአትርፎ ዝያደት ትጸገመው።

ዲብ ዮም 27 ማየ 1991 ዴሽ ሽዕቢ ዲብ ሐንቲ ዴሽ አባይ እግል ዐለት ሚንት ዐሰብ እግል ልጽበጠ ህጃም ሀረሰ። እሊ መጦርለ አዲሰ አበበ እግል ሐረሮት ገብእ ለዐለ ናይ ደንበኑ ህጃም እግል ለአሳድር ክጥጥ ዐለ። ዴሽ አባይ እብ ክለ ሐለቲ እግል ልትሓረብ ሰበት ኢቀድረ ሳኪን፡ ዴሽ ሽዕቢ ዲብ ቀበት ሐቲ አምዕል ዐሰብ ሐረረ። ኤረትርዩ ለእብ ዐሰብ አተዩ እስትዕማር ደንበኑ ምፍጋሩ እብ ዐሰብ ገብአት።

ዲብለ መዲነት ለዐለ ለበዝሕ ዴሽ አባይ ልትጸበጥ እት ህለ፡ ለተርፈ ህዩ አስክ ጀብቲ ወየመን ሀርቡ። መጥ-መጦር እሊ ዴሽ ወያኔ፡ እብ ደባባት ወሰለሕ ክቡድ ጀብህት ሽዕብዩት እንዴ ተለ፡ ዲብ ዮም 28 ማየ 1991 ለትጽብሕ ላሊ አዲሱ አበበ እግል ልሐርርት ህጃም ጠለቀ።

እምበል እት ሐረት ዴዋን ሕክመት አዲሰ አበበ እግል ደባባት ጀብህት ሽዕብዩት ለተሃደፈት መቃወመት ሕድት ህዩ፡ ዴሽ ወያኔ መከናደዝድ ወካማንዶ ጀብህት ሽዕብዩት፡ ዲብ ጽብሕ ምድር ናይ ዮም 28 ማየ 1991 ዓሲመት አቶብዩ አዲሰአበበ እምበል መቃወመት ብዝሕት እብ ተማመ ተሐረረት።

ዲብ ኤረትርዩ ለዐለ ካልኣይ አብዮታይ ዴሽ አቶብዩ፡ ዲብ እሊ ናይ ደንበኑ ወክድ፡ ብዝሐሁ ዝያድ 130.000 በጽሕ ዐለ። ዲብ መግርክ ጀብህት ደቀምሐሬ እንዴ ትፈለለ እግል ልትፈንጠር ክምሰል አንበተ ህዩ፡ ምን ዴሽ ለሐድ 80 አልፍ እት ገበይ ከረን ወበርኩ፡ ሐድ 21 አልፍ ዲብ ክሳድ ዕቀ፡ ሐድ 13 አልፍ ዲብ አስመረ ወድዋራተ፡ እብ ጀሚዕ ዝያድ 114 አልፍ ዴሽ አባይ ትጸበጠ። ለተርፈው ሐድ 16 አልፍ ህዩ ዲብለ ሐርብ ትቀተለው። ለአሲሪን ህዩ እተ ዶለ ዐፎ እንዴ ገአት እሉም አስክ ዐደም ትሳረሐው። እብ ጀህት ሰለሕ፡ እምበል እተ ሐርብ ለትደመረ ወሰለሰ አስክ ሱዳን ለአተዩ ደባበት ወሐዳት መካይን፡ ክሉ ሰለሕ ወመምተለካት ካልኣይ አብዮታይ ዴሽ በህለት፡ 200 ደባበት፡ 50 ናይ 130 ሚሊሜተር መዳፊዕ፡ 171 ናይ 122 ሚሊሜተር መዳፊዕ፡ 44 ቢኤም21፡ 18 ቢኤም 24፡ 127 ዙ-23፡ 1038 ሞርታራት ውብዕድ ዮም አለቡ ምግባይ ወክፊፍ አስለሐት ዲብ እዴ ዴሽ ሽዕቢ ተሕሪር ኤረትርዩ በርደ። ለእግል መደት 30 ሰነት ለገብአ ሐርብ ተሕሪር ሽዕብ ኤረትርዩ ህዩ፡ እብለ ለለትዐጅብ ዐሰከርያይ ዐውቲ ካቲመ ገአት እለ።

እብ ደም ለተሐረረት ኤረትርዩ ሐቆ ክልኤ ሰነት ህዩ እብ ሕርያን ሽዕብ 99.8 ምእታይት ኣቢ እግል ሕርየት ሐፊት ከአፕሪል 27-1993 እብ ደመ ወክርንተ እንዴ ተሐረረት፡ እት ዐለም ደውለት እብ ሲያደተ ገብአት።

ለሲኒን አኖኬናህ፡ ሕርየት መጽእት። ኖሰን ለተዐንደቀዩ፡ ውላደን፡ ሐዳረን፡ ሐወን ወዋልዴነን ለዐንደቀዩ አንሳት ኤረትርዩ ህዩ ፈርሐተን ዛይደት ገአት። አፋህን ለዐልል፡ እዴህን ተሐንክ ወእገረን በርጅ። ዐቅም ጎይለ ወበርጅ እንዴ ገብአያመ ኢተርፈዩ እለን ተን ዶብስት ለአጠለ ወዋድቀት ረፈዐ ሕርየተን ዲመ እግል ትዳይም እለን።

3^ይ ክፋል

ፍሬ ሕርየት እቲ ረዩም ባካት

ሱሕፊ፡ መሐመድ እድረሰ
ምስውር፡ ሳሌሕ ዐብደልቃድር

አይወ ዲብ ወሬሕ ሰማን ናይ ሰነት 1985 ሐቆ ተሕሪር መዲነት ባርንቶ ዲብ ድገልባይት ጀብህት ነቅፈ ገብእ ለዐለ ህጃም ኢትረስዐክወ። እቲ ወክድ ለሀይ አንፋር ሀንደስት እብ ብዝሐ ኣልቃም ዲብ እንደፍን ወምስል ዲብ ጀብህት ለዐለው አንፋር መካናይዝድ ደባባት ዲብ እመሬሕ እብ ጀህት አባይ ገብእ ለዐለ ዘብዋ ወልደፊዕ ለዐለ ዐውል ቃሊ፡ ዮም ምን ገቢእ ልትረስዐ? እግል ዲብ ባካት ባርንቶ ጀብህት ማይላም ገብእ ለዐለ ሐርብ ድቁብ መናውረ እንወዴ እቱ ለዐልነ ወክድ፡ እት መሸንገል ደባበት ጽዑን ወገበይ መሬሕ ለዐለ ቃእድ ፈሲለትን ዐንዱ ተሰፋጋብር፡ እብ ቅምብለት ክቡድ ሰለሕ እንዴ ትዘበጠ ለአስተሸህድ ዲብ ህሉ፡ ኡብረሃም ዳሊቆ (ወድ ኩናመ)፡ ወፍጹም ኡብርሀ (ሀንጀመ) እብ ለቀም ዲብ እሊ ድዋራት እሊ አስተሸህደው።

ብዕዳም እብ ጅረሕ ለሐልፈ እሎም ምናድሊን መልሂቹ ወውላድ ፈሲለቹ ክሎም እብ ዎር-ዎር ዲብ ቀደም ዕንታቹ ዲብ ልትካየሎ እዩቱ ለሰፈር ፍንጌ ሰርቤብ ወሰፈላል እንዴ ተሐኒኮ ለዘቱ ወመራረቱ አዳውር ዐልኮ። እሊ ህዩ ለቀደም 40 ሰነት እብ ጽምእት ሕልቅምነ ወሰፍሩይ አምዲትን ላሊ ዲብ ጸለምት ዲብ ንትለበስ ዐሰርታት ኪሎሚተራት ዲብ ንሄርር ጀላብ ሕርየት ወእስትቅላል እንካይዱ ለዐልነ ድዋራት ወዐውል ቃሊ እንደፊዕ እቱ ለዐልነ ባካት፡ ዮም ስሕፊ እንዴ ገብአኮ እት ረአስ ሓምል ክርሲ፡ ዋውርት መኪነት፡ ማይ ብሩድ ዲብ እቀርዴዕ እካይዱ ዲብ ህሉኮ፡ ፈድል ናይለ እለ ራሐት ወመስኩብት እለ እግል እርኩብ ለትቤዘው ናይ ማሌ ምናድሊን ሕርየት ዝያደት እግል እፍቀዶም በክት ረከብኩ። እብ ደሚርዩ ህዩ ዓጮም እት ጀነት ልግበእ እቤ።

ምን ባካት ሚሾ እንዴ ሐለፍኩ፡ ምን ቃምጩወ 56 ኪሎሚተር ክምስል ሄረርናቱ ለምስል ምዴርየት ቅርረ ለትትሓደድ ዳሕየት ዐገት ለበጽሐኩ፡ ለዲብ ወክድ ንዳል ሕርየት ለነአምረ ዐገት ህዩ ዮም ፍንጡር ለዐለ ሸዑ ለትከምከመ እቲ፡ ለቀደም ሐድ ሰኖታት እብ ሰዐር እንዴ ትሸቁት አጀኒት ዐገት ዲብ አትሸዐት ዲብ ደርሶ እቲ ለጸንሐውን ዐገት፡ ዮም መድረስት እብ ዋውርት ገበይ እንዴ ትበኔት እቲ ውላደ ዲብ ደርሶ ወለአደርሶ ጸንሐውኩ። ማይ

እብ ሶሳር ዲብ ውቅል አካን ለህለ ከዛን እንዴ ትገለለ ዲብ ምግብለ ዐድ ዲብ መርከዝ ተውዜዕ ሸዑ ለልትነፈዕ እቡ ማይ ሲቶ፡ ክምስልሁመ እንዴ ትከምከመ ዲብ ሐቱ አካን ሓድር ለህለ ሸዑ ዐገት ዲብ ምስተቅበል፡ እት ዝያደት ዐቦት ወመትቀዳም ክምስል ለአሳድር ሸክ ኢወዴኩ። እግል መደት ሐሚር ዲብ ዐገት እንዴ ዓረፍን ምስል ሸዑ ዐገት ተጃሀክኩ። ማይ ብሩድ ዲብ እንሰቱ ሐቆ ዕርፍ ቡን ወጸቤሕ ህዩ አዜመ ለኢትክለሰ ሰፈርን እግል ነአተላሌ አስክ ቅብለት ምዴርየት ቅርረ ትወረብኩ።

ምን እዳረት ደዩሕ ዐገት እንዴ ትበገስነ ዲብለ ምን ዐገት እት መሳፈት 17 ኪሎሚተር ለህሌት መርከዝ እዳረት ደዩሕ ግራት እግል ንብጸሕ፡ ሕዱድ ምዴርየት አፍዐበት ወቅርረ ክምስል በጽሐኩ፡ ለዲብ መደት ንዳል እብ ቅብለት ምፍጋር ጸሓይ ሳሕል ለልትአመር ወዮም ምዴርየት ቅርረ ትትበህል ለህሌት በጽሐኩ። ለምን ውቁል ረወሪት መንደዐት፡ እም እደኔ ዐስም አው ደብር ዛግሬ ለልትበገስ፡ ሐር እብ ሕሊል ደብዐት ለልትአመር ወጋድሞታት ግራት ክምስል



ፍሬ ባካን ዲብ እምሀሚ

በጽሐ ግምግም ለትብል ሰሚት እንዴ ትሰመ አስክለ ፋዩሕ ጋድሞታት ሰዋሕል በሐር ለአቱ። ለምን ባካት ፈልከት እንዴ አስተብዴነ እንሳፍረ ለዐልነ ገበይ ረያም ድገለብነ ወለ ክምስል ስልሰለት ለትጸበጠ ስልሰለታይ አድብር፡ ድማንነ ህዩ ለመአንበቱ ወመክለሱ ለኢልትአመር በራር ጋድም ህሉ። ለአድብር ወለጋድሞታት ዲብ መደት

ሓቅፍ ቱ። ዲብ ሰር 1970ታት ሸባብ ኤረትርየ ክምስል ጋሻይ ውሒዝ አስክ ሰውረት እግል ልውሐዞ ሰድ አምቡተው፡ ለምን ረወሪት ለብሩድ አው ከበሳታት ኤረትርየ ዲብ ሰውረት እግል ልፍገሮ አስክ ሳሕል ለሰብከው ሸባብ ጀላብ ሕርየት ወእስትቅላል ሸዑ ኤረትርየ እት ልብሎ፡ ምን እብ በራደቱ እመር ላቱ

ኤረትርየ ለዐለ እቱ ባካት እምሀሚ ውብሌቃት ልትከረው እት ህለው፡ ዲብለ አምዕሎታት ለነሰእ ሄራር እብ እገር፡ እብ ጽምእ ወአፈ ክምስሁመ እገሮም እብ ተዐብ ሀለውእ ዲብ ገብእ ምኖም፡ ተዐብ ምስል ጽምኡ ወሰፍራሁ እንዴ ሐለዮም ዲብ ገበይ ዲብ ወድቆ ለተርፈው ሸባብ ብዝሓም ዐለው። ምን እለ አማን እለ እንዴ ትበገሰውቶም

ምናድሊን ሐሬ እግል እሊ ጋድሞተት እሊ መንገዲ ሰመእታት (ደርብ ሹሀደእ) ለትብል ሰሚት ለአተምበለው። አይወ ሹሀደ እግል እለ ዮመቱ እብ ፈድለ ቀደም ሰር ዘመን ወግራሁ ዲብ እሊ ባካት እሊ ወብዕድ ለትሰበለው ምናድሊን ሕርየት።

እሊ ክምስል ፈቀድኮቱ አናመ እብ ፈድለ ቀዳምያም እብ እገሮም ጀላብ ሕርየት ወእስትቅላል፡ ምን አስመረ አስክ እሊ ባካት እሊ እንዴ ሄረረው ሕርየት ለአምጸአው ሹሀደእ፡ ዲብ መኪነት እንዴ ጠፍሐኮ ምን አስመረ ታሪኽም ዲብ እትዘከር፡ እግል ምስልዩ ዲብለ ሰፈር ለዐለው ዲብ እሸሬሕ ዲብ ናይ ደንገበ አማመ ለዐልነ ምዴርየት ቅርረ ለአተላሌኩ።

ምን ዐገት እንዴ አተላሌነ እግል ምዴርየት አፍዐበት ወቅርረ ለፈንቱ ሕዱድ ክምስል በጽሐኩ፡ መዐሰላመ ምዴርየት አፍዐበት ወመርሐበ ምዴርየት ቅርረ እንዴ እምቤ ዲብ ምዴርየት ቅርረ አቱኩ። ለዐቢ ታሪክ ሰውረት እብ ፍንቱይ ህዩ ታሪክ ቅዋት ሸዑብየት ተሕሪር ኤረትርየ፡ ወሐር ጀብህት ሸዑብየት ተሕሪር ኤረትርየ ለበዝሐ ወቅት ዲብ እለ ምዴርየት እለ ትወለደት ወዐቤት ምኑ እንዴ ትበገስት ቱ ሕርየት ለአምጸአት። አይወ፡ ለዲብ ዘበን ንዳል ቅብለት ምፍጋር ጸሓይ ሳሕል ልትበህል ለዐለ ባካት ሐቆ ሕርየት ምዴርየት ቅርረ ለትብል ሰሚት እንዴ ተህየቡቱ ልተላሌ ህሉ። እሊ ታሪካይ አካናት እሊ ላኪን ዲብ ታሪክ ሰውረት ኤረትርየ እብ ዓመት ወዲብ ታሪክ ጀብህት ሸዑብየት እብ ሚ ገብእ ልትአመር?



ሽባብ ዐጀል ገያደት ወጠን ወምጅተመዕ

ነጅቱ ዑሰማን

ሸባብ ጋይደት ወጠን ወምጅተማዕ እንዴ እንቤ ምን ንትሃኔ ናይ ኣትረዛቅ ክም ኢኮን እግል ነኣክድ እንፈቱ። ሰበቡ፡ ኬድመት ወጠን ወፊፍዐት ምጅተማዕ ታቶም ሌጣ ቶም። ናይ የም ሹባን ህይ፡ ምን ቅያስ ወለዐል ዲብ ጥውርት ዐለም ቶም ነብሮ ለህለው። ዐለም እብ ሻፍንት ሐብሬ ናይ ቴክኖሎጂት ዲብ ሐቲ ጢሾ እንዴ ተዐገለት ክመ ዲብ ሐቲ ኣካን ነብር ለህለት ማለለት ህሉት። በዲር ዲብ ቀበት ወጠን ወዲብ ዓዳትን እንዴ ተንክብኑ እነብር ዐልኑ፡ የም ለለኣንጨዋሬሕ ብዕድ ዓዳት ናይለ ፈናተው ሸዑብ ወቀባይል ወእብ ፍንቱይ ናይ ድወል ምውዳቅ ጸሓይ፡ እብ ሳተላይት ወቴለፍዝየናት ኣለክ ዲብ ረዩም ብሩር ባጼሕ ልትረኤ ህለ። ሹባኑ ላኪን እብ ሰበት ዐለም ሚክም ህለ ኣምሮም ሰኒ ፋይሕ ተ።

እሊ. ተጠውር እሊ. ካልቁ ለሀላ ተቆይራት ሓለት ውርስ ዓዳት እት አጅያል ዲብ ወግም እንዴ አቴነ አንተብሆት ለአትሐዜነ ሀላ። እሊ. ለአንጨዋሬሕ ለእንቤሉ ዓዳት እግል ሸባብ ለቦቤት ሰሕበት ጋብእ እቶም ልትረከብ። ገሌ ሹባንም አሰከ. ዲብ ገዴባ ወንዞቱ ዋድያም ክም ህለው ቱ ለልትፈመከ። እሊ. ህዬ ዲብ ወጠነ ሌጠ ኢኮን ዲብ ምሉእ ድወል አፍሪቀቱ ለሀላ።

ሳኪን እግል ትትአመር ለበ ሐቱ ምህመት ንቅጠት ህሌት፤ ሕነ ኤረትርዩን ሹባን እሊ ለአንጨዋሬሕ ለእንቤሉ ዓዳት ሰብኡ ሓድር ባዋር ክም ህለ እግል ንትረሰሰ ኢወጅብኒ። ሁቶም ለሕሹም ዓዳቶም እንዴ ትረሰበው ወቶም ዲብ በሐር ናይ በደ ክም ሸመመው አክልሕድ ፍህማም ህለው። እሊ ህዬ እብ እዳ ኖሶም እብ ዐውል ቃሊ ለሃበዉ ወቶም እግል ልፍገር ምኑ ቃድራም ለኢህለው ዐቢ መሻክል አብደዮት ጅንሰዮት ወዕላመት ቱ፤ ወእብ ሰበት እሊ ብዝሓም እሎም እት መሻክል ኢትያም እንርእዮም ህሌን።

ክም ዐባይ መሰል፡ ወጡ እንዴ
ሐድግ ሕዱድ ለተዐደ ነፈር፡
ሕሽመቱ እተ እሉ ሐድግ ሕዱድ
ከዲበ ወጠን ብዕደት ለተዕድ ምኑ፡
ለሕሽመት ዲቡ ተርፍ ምኑ።
ወጠንየት ክም አለቡቱ ለልትሐሰብ
ከዲብ ፍንጌ ፍንጌ ተርፍ። ዲብ
ወጡ መሻክል እግል ልሳድፉ አው
እግል ልሳድፈ ቀድር፡ ለሕሽመት
ላኪን ዲብ ወጠንከ ወዐድካተ ምስል
ኡምግካተ ለሐሰት። ለጠዐመት ወለ
መረት፡ እት ወጠንከ ምስል ሐውኩ
ሐዋትኩ አበውከ ወእማትከ ተ
ለጥዕም።

ለበት አለ ሹባን እንዴ ረከበው
እግል ልሕሰቦ ወለ እለ ነስኦ ምስዳር
ዲብ ሐዶቶም ሚመታክል ተሐሰል
እሎም እግል ልፍጠኖ ወጅቦም።
እግል ምስተቅበሎም ለትነፈሪያም
እንዴ አመረው አሳስ ሐዶቶም
ለገብእ ገጻፍ እግል ለኦዳሉ ሀሉት

አሎም። እሊ ህዩ እብ ተዕሊም በህለት ድራሰት ወአምሮ ምህነት ቱ ለመጽእ። ታሪክ ወሕሸሞታት ወጠኖም እግል ልሕፊዙ ሕሸመት ወቅት እግል ለአምሮ ወእብ ዋድብ እግል ልትነፈያቡ፡ ለነፍያም ወለ ኢነፊያም መስኒ አው መታሊት እግል ልፈርን፡ ራትዕ ወሳብት አሰሰት ዕያል ለአትሐዝዦም።

አምበል እሊ እሉ እንቤ ንቃዋ፡
ዕውትት ሐዖት እበ እግል ልንበሮ
ሰኔ ክቡድ ገብእ። እብ ቃሊ
አስትሸሃድ ለመጽአት ሕሽምት
ወጠን ተ ለሀሌት እሉም። ሹባነ
ዲበ ጠወረ ወቅት ሰቦት ነብሮ፡ ምነ
ቀደሚነ ሀለ አጅያል ለሐሴበ በክት
ሀለ እሉም። እግል እሊ በክት እሊ፡
እግል እሊ እብ ሐቆ መሪር ንዳል
ለመጽአት ደውለት ዲበ ትወቀለት
ደረጀት ናይ ተጠውር ወዐቦት እግል
ለኣብጽሕወ ለለአቀድሮም ኣብክት፡
ሰብር፡ ከሃለት፡ እግል ልምለኮ ሀሌት
እሉም።

እግል ነፍሱን እት ዋድሕ ሀደፍ ወእመር ጋር መባጽሕ ለቡ ገለድ ለኣትዮ። እሊ ወቅት እሊ ሚትወዴ ወዲብሚ ኣለት ክም ህሌኩ፣ ለህሌት እከ ሩእየት ተኣከድ ህሊከ ወለ ኢፋልኩ፣ ወለ ምነ ትወድዩ ለዐልከ አሽቃል ዲበ ሐሴት መርሐት ተዐዴከ ወለሚ፣ እብ ብዕደት ስለል፣ ምን አጅል መንበረት ወሀለዮት ቱ ለህሊከ ወለ ናይ አማን ኣያት መንበረት ራትዐት ትናወልከ ዲብ ገበይ ሰርገል ህሌኩ። እሊ ሕልም ወአህዳፍከ አድማዕኩ ሚኢኩን እግል ነፍሱከ ሰአሊ። ሀደፍመ ሐቆ ለይብጽሐ ለለአሰፍ ወለ ሻቅል ጋር ኢሀሊ። ምን ሐዲስ እንዴ አሰብዴከ ለዲቡ ትትዐወት አሽቃል እግል ትርኩብ ክም ቀድር ጠበዒቲ፣ ለግያስ ገጽ ቀደም ሰበት ልትዐንቀፍ ኢትዐወትኮ እንዴ ትቤመ ንዩትከ ምን ናይ አምዕላይ አሽቃልከ ኢትኣብርደ።

አወል ለትግብእ ክም ደረጀተ እንዴ ረተብናህ ለአማሙ ህሌነ ሀደፍ እግሉ ዲብ ዐመል አውዐሎት ምህመት ተ። ክሉ አሸያእ ተፍኪር ወሕሳብ ሰበት ለአትሕዝቡ ለእሉ ነሐሱብ ሕሳባት ድቁብ እት ሀደፍ ለለአበጸሐነ እግል ልግበእ ህሌት እሉ። ፍክርነ አወል ዲብ ሐንገልነ ዶል ለሀሌቱ እት ዐመል እግል ነአውዕሉ ለእንቀድር። ናይ አማን ስርጉሳም እግል ንግበእ ሐቆመ ገአነ ለህላ እግልነ ሕልም እቡ ሐንገልነ ዶል ነአተአምን ሌጣ ተ። ዐውቴነ ዲብ አከዶት ሀደፍነ እትንኩሳም ህሌነ ወለማ አከዶት ኢንትረሰዕ።

እግል መሰል ዝኾኑ ብዝሕት ዶል ገብእ፡ ክሉ ኣሸያኣ ናይ ዐቢ ሕሳባት ሰበት ቱ ሰኔት እግል ንሕሰብ ህሌት እግልነ። ኣብ ዐቢ ጋር እግል ንሕሰብ ህለ እግልነ። እለ ህዬ፡ ዐቢ ወትሩድ ሕሳብ እንዴ ሐሰብን ዐባይ ዐውቴ እግል ንርኩብ ብነ። እግል ንትረሰዐ ለኢ ወጅብን ጋራት እግል ተህሌ ቀድር። ህተ ህዬ፡ እንተ ለሐዘክህ እግል ቲደየ ወለ እለ ሐዘክ እግል

ትግበላ ለተርፍ ምንከ መቅደረት ክም አለቡ አምር ለአትሐይ።

ሐልምከ ዋድሕ፡ ወእግሉ እግል አሰቡቶት ምሆሮትክ እንዴ ሰደድክ እግል ተአውቄ፡ ለትቀድሩ እት ኢኮን ለኢትቀድሩ ምን ቅድረትክ ወለዐል እንዴ ጸባዋክ እግል ትንበር ኢትሕሰብ፡ እበ እሉ ጸብዋ ሕሳል ዐውቲ እመን፡ ወሐቆ አመንካቡ እግል ትትዐወት ክምቲ ሸክ ኢቲዴ። ሀደፍክ ዕዉት እግል ልግበእ ክሉ ንፍትክ ወሕሳብክ እቲ ሌጠ ውደፍ። ናይ አምፅላይ አሸቃልክ ምስል ሀደፍክ ለጸበጠ ውደደ እግልሚ ዲብ ሀደፍክ እግል ትሰዴ።

ኣወል ላኪን ለሕልምክ ናይክ ሌብ ከምቲ ፈርጉ። የምክን ብዕዳም ለኣትማክረውካቲ ወሕሳብ እግል ኢልግበእ። ለኣሉ ቤለውከ እንዴ ኢትሐሰብ ዲቡ እግል ኢትኣተዩ። እብ ኣማን ናዬ ለትብሉ እግል ትወድሑ ብከ። እግልሚ ለኣዳም ልብለናቲ ምስለ ናይነ ለጸበጠ ወምስል ናይነ ሕርያን ለገይሰ እግል ልግበእ ቡ።

እት ሐያት ክል ሐቲ ክመ ህሊት ተ እግል ተአተላሌ ወትምበር ቱ እግል ቲበል ምን አማን ለሬማ ቱ። ሐያት ምስል ወቅት ወተየልል ተቅዩር ለተአርኤ ቱ። እት ሐያት



ተቅዩር እግል ተአርኤ ሐቅ ገአከ እት ሕባብከ ወአፍካርከ ሻፍግ ተቅዩር እግል ተአርኤ ሀሌት እኩ። ለዐበ ሙባሕስ ይሰላኝ ኒወተን እት ቃትን መትሐራክ እት ለትብል ህግይሁ” አዩ ሸይ ልትሐረክ እት ሀለ ትም ዲብ ልብል ሄራራ እግል ለአተላላ ዲብ ኢኮን እግል ልብጠር ኢልሐከ። እግል ለአብዮሩ ለላሐከ ጋር ሀለ ምንገብኦ፡ ቅወት መቃወመት ለአርኤ።

ባዋር ሀላ ምን ገበጸ ህይዜ ዲበ ሀላ እግል ልብጦር ወለ ገአ እግል ለሐርኩ ለለሐዜ ጀርቤ ሐሊት መቃወሙት ለእርሱ።’ እንዲ ቤለ ሻርሐ ሀለ። ሁቱ ህይዜ ክም መሰል ለሰመየ ምን ተሀሌ፤ ትገይሰ ለዐለት ዐረብዩት ሱድድን ዶል በዋር ሕነ ኬን ወእንሰር ንትሐረክ ወዲበ አካነ ክም እንሰብት እንገብጽ፤ እሊ ህይ እተ እለ ሀሌነ አካን እግል ንሰባት ምን ሐዜና ሌጣ ቱ።

እግል ንቅሐረክ ለጀብሬነ ጋር ሆዬ፡

ገናሱን እንዴ አ.ትጉበኣ ለብዋረተ
ዐረብያት ሌጣተ ልብል ይሰላቸ
ኒውተን። ከሰበት እሊ ደሚርን ሐዲሰ
አሸያእ ልኢትከበት ሚዶል ገአ።
ወድ አዳም ለሊሐሰቡቱ ለጉበኣ እሊ
ልትበሀል። ወለ ምን ልትበሀልመ
ለእሊ ተሐዘ ሕልም እግል ትርከብ
አምበል ሕላሌ ትሸቁ። ክል መረት
ምሰለ እግልን ለመሰሌ እግል ኒጊሰ
ላዝምቱ። ለይመሰሉን ላኪን እግል
ንትራየሞም ሀለ እግልን። እብ አማን
እተ እሊ ተሐዘ ሕልም ሳብት
ሐቆመ ሀሌክ። ብዝሓም አንፋር
እግል ልትረይሐ እክ ወልሰደውኑቱ።
እሊ ሀይ እግል ዐውቲ ለሰዴ ወለ
ለአሻፍግ ክምቱ ሸክ አ.ቲዴ።

ሀደፍከ እንዴ አመርከ እግለ ሳደፌከ መታክል አመሮት ምን እግል ተወውተን ለትቀድር ምህም ንቅጠት ተ። ዲበ እሉ ነሐዜ ህሉን ምህም ጋር መታክል ለንብእ እግልን ዶል ነአምር እት ወቅቱ እግል ንዳወደ እንቀድር። እሊ እግል ኒዴ ሳኪን እንዴ ኢንትሐለል እግል ንሰበት ህሉት እግልነ። ዲመ ዕውታም ለእንብሎም አንፋር ሐቱ መረት እንዴ ወድቀው ሰእየት ለኢብትኮ ወአስክ ልትወውቶ አምበል ሕላሌ ለሸቆ ቶም። ሐቆ ኢትሐለልክ ሌጣቱ ለወውቱ ትረከብ። ገበይ

ዐውቲ ለጸብጣም አንፋር ምኒ ነአሸት ደረጃት እተ ትወቀለት ሰበት ልትዐደው ለዐውቲሆም እብ ደረጃት ጌሙማ። ሕልምከ እግል አካደት በናምጃት ረትብ።

አምዕል ከዲብ መባጽሐክ ለለአበጽሐክ ምስዳራት ንሰእ። እት ደንጎበ ሐቲ አምዕል ዐውቲ ክም ህሌት አምር። አህዳፍክ ወለ ቅያሰ ምን ልሰእኖመ እግለ ዲብ ደንጎበ እግል ትምለኩ ለተሐዘ ዲብ ሐንገልክ እንዴ ረሰምካሁ እቲ ለለአበጽሐክ ምስዳራት ንሰእት ሌጣ ቲ። ሐቆ እለ እግል ትትዐውት ላዝም ቲ እንዴ ቤለው ብዝሓም ዑለማእ ለሐክ። እት ሄራር ሐያት መታክል እግል ልሳድፍ ምንመ ቀድር። እለ ክም ሀለ ሐቆ አመርነ ናይ ከሃለትነ ወመቅደረት እግል ነአደቅብ ምህምቲ።

ባለሮት አግቡይ ዐውቴ እግለ መታክል ለጉበኣ እትከ አሸያኣ እንዴ ፈረግኩ፡ ገበይ ብዕደት እንዴ

ቀዋርቱ አህዳፍካ እግል ትብጸሐ ስዕኔክ። ከመ ክል መረት ሸቅዩ ትሸቁ ሐቆ ገአኩ። ክመ ክልዶል ለእረክበ ፍገራት እግል እርኩቡ። ለልብል በሀል እስንዴ ንግሐስ እቴ። አግቡይ መጋይሰከ ወአሸቃልከ ወሐዳስ ገበይ እንዴ ኢቀዋርክ ፍገራት ኢርክበትክ እግል ለአትፈክረክ አለቡ። እሊ ሀዩ አክል አዩ መደረት ክምቡ ወድሕ እግልኑ። እግል መጽእ ወቅት ሐዲስ መጃላት ወአግቡይ ዐውቴ ለለአመልኩን ጋራት እቶም ንግሰር። ሰበት እሊ እግል ምስተቅበል ለሰዔን ዐባዩ ወሐዳደስ ጋራት እግል ለሀሉ ሐቆ ሐዜከ ለእሎም ትትሸነህ ጋራት እት እዴከ ክም መልኮም ውዴ። ከሃለት ወኢመትሐላል እት ሐዶትን ምህም ምንግቶም እበ እሉ ነአናኼ ሀደፍ ሐቆ ኢትዐወትን ተርጀመት አለባምኒ። ከሰበት እሊ ለለዐውቱን ወለ ኢዐውቱን ጋራት ሚቶም አመሮት ለትሐዜኑ።

ሀይዳክ ለትብጽሕ እየሞ ብዕዳም ሕርያናት ኢትትረሰቦ። የምክን እግል ነኣምረ ለሀለ እግልነ ንቅጡት ህሌት፡ እብ ክሉ ለእሉ ትነፈዐነ አሰሉብ ሐቀመ ኢትዐወትነ ብዕድ አብሳር ክም እምባሰር ከእተ እለ ነከዜ ንቅጡት ሀይዳክ ክም እንብጽሕ እግል ንሕሰብ ህሌት እግልነ። ምን ሐውነ ወመሻቂትነ ኢሐላምን እግል ልትኣከድ ወልሰበት ለሰዱነ ምን ናዮም ተጃርብ ወፍካር እግል ንትዐለም ንሰኣሎም ወንድረሰ ምኖም።

ክም ናይከ ሕልም ለለሀሌ እሎም ወእብ ሻፍግ ወቅት ለተወተው ሰበት ህለው እብ ኮፎ አሰለብ ቀደሚከ ተወተው እንዴ ትቤ ምን ተጃርቦም ድረሱ፡ እግል ንሻቀል አለብኝ። እሊ ላኪን እብ ኮፎ ተወተው እንዴ ትቤ ምኖም ወለዐል ክም ትጉበኝ ዲብ ኢኮን እበ ህቶም ለረክበወ ሻፍጉት ዐውቲ ወእንተ እብ ኢመትዐዋትከ ኢትህመም። ብዝሓም አንፋር መሳኒቶም እንዴ ትበገለው ሰብ ሀደፍ ወመግጽሕ እግል ልግበኦ ልትበገሶ ወዲብ ደንበበ ፍንጌ ፍንጌ ተርፎ። እሊ በህለት ምን በዲርም ናዮም ለአትበገሰዮም ኦሳሰ ሰበት ኢዐለ እሎም ሌጣ ጉበኝ።

አሳሰ መትብጋስ ናይ ኖሰኝ እግል
ልግበእ ህሌት እሉ፡ እብ ኖሰኽ ብጉሰ
ሐቆመ ገአከ እት ገበይ ሄራር ዐውቴ
ክም ህሌክ አክልሕድ ልትአከድ
እግልኩ።

ዲብ እዲነ እብ ቅንኢ ለነብሮ
አንፋር ረአዩቶም እብ በረ፡ እበ
ኢከሰሰ እብ ናይ ከርሰ ሹዑሮም
ላኪን ዲመ ዲብ ሀመት ወሕሳብ
ነብሮ። እሎም ለኢሐምዶ አንፋር
ዲመ እት ንሳሎም ሰአንኮ ወማል
አለብይ ዲብ ልብሎ ነብሮ፡ እለ ህይ
እግለ እለ ረከብከ ኢሐመዶት ሌግ
ቲ። ወለ ምነ እሉ ተሐዜ አሽያኢ
ምራድከ ራክብ ምንመ ትጉበኢ
ሰከብት ክም አለብከ ኣምር። እት
ሐያት ምን እሊ ለለኣኬ ማህላ፡
ሰበት እሊ ሐያትነ ለእንመርሕ እቡ
አሰላብ እግል ለሀሌ እነ ወጅብ።

ዴሞክራሲ መጀለት መንገድ

መጽሐፍት ከርከደ

ከርከደ እብ ክልኤ ገበይ እግል ተኣዳልዩ ልትቀደር። ሐቲ ገበይ እግል ከርከደ እት ማይ ብሩድ እንዴ ቀመሽካሁ እግል መደት ረደም እግል ተኣሸትሩ ብእትኩ። ወለካልኣይት ገበይ ህዩ እግል መደት ሐጫር እት ማይ ሕፋን እንዴ ጩፊካሁ፡ ተኣበርዱ ወስከር ትወዲ ዲቡ።

እሊ ማይ ከርከደ ምን ብዕዳም ለልትሰተው ጋራት

ፍንቲት ብዲቡ። ህቲ ገሮብ ረዩሕ ወለኣብርድ ወምን ጽምእ ማይ ዳፊዕ። ወምን እሊ ወኬንመ ዲቡ ለልትረከቦ ጩዋታት እግል ኣምዓይት ወዓመተን እግል ገሮብ መንፈዐት ዐባይ ብዲቡን።

እት ረኣሰ እሊመ እግል እት ኣምዓይት ለልትረከቦ ተብዕን ቀትል። እሊ እት ከብድ እብ ብራቀ እንዴ ነሰኣካሁ ሐቆሁ ሸርቦት ዶል ሰቲ ቲ። እግል ውቁል

ጨቅዋ ደም ለኣቀልል ወእግል መትቀማጣዋ ርሕም ወኣምዓይት ለሀውን ወእብ ሰበቦም ለትመጽእ መጸጸት ወርኬ።

ከርከደ እምበል እሊመ ሐለት ብዝሓም ኣንዋዕ ጄርምታት ለቀትል እበ ቡ፡ ወእብል ምስምሰ ህቲ የም ኣለበ ምንፈዐት ትትረከብ ምኑ ወካሰተን ህዩ እግል ከብድ ወዲበ ለልትረኤ መትከማታት ለኣርሄ።

እሊመ ኢሐሰ

ጀሐ እሊቱ ሞተት ምኑ። ብዙሕ ላቲ ኢተኣሰፊ ዲቡ። ሐቆ ገሌ ኣምዓላት ኣድጉ ምን ሞተ፡ ሰኒ ሐዘን ወትረበሽ ወኣሻይር ህም ወቀም ትረኣ ዲቡ። ገሌ ምሳኒቱ እለ ምን ረኣው ክምእል ቤለዉ፡- “እለ እንተ ዐጂብ እንተ። ቀደም እለ እሊትክ ምን ሞተት ዐደድ እለ ለኣዜ

ዲብ ሞት እሊ ኣድግክ ለሐዘንካሁ ወተኣሰፍካሁ ደረጀት ኢበጸሕክ ዲቡ። ከደሐንካቲ ሚ ጀሬት እትክ? እት ልብሎ ትሰኣለዉ።

ህቲ ህዩ ክም እለ እት ልብል በልሰ ዲቦም፡ “ኣምዕል ለእሴትዬ ሞተ’ተ ለገወውርዬ እንዴ መጸወኒ ኣብሸርክ ኢትትኣሰፍ ምን ለተሐደሰ

እሊት እግል ንህዴ እግልካቲ ቤለዉኒ፡ ወገለድ በኣው እግልዬ። ምናተ ለኣድግዬ ዶል ሞተ እብ ክምስልህ ገበይ እግል ልሸጀዐኒ ወለኣትራሰዐኒ እንዴ ቤለ ለሸቤኒ ነፈር ዎርትመ ይህሴ፡ ከብዙሕ ምን እትኣሰፍ ወሐዘን እት ገበዬ ህሌኮ ኢመስለኩም?” ቤለዮም።

ዝበድ ዛዖታት

ልብነ ሰኒ ንጭቀሙ ወነኣፍዝ ዲቡ። ኣልባብ ደገጊት ሰበት ተን እት ፍንጊለ ኣዳም ኬን ወእንሰር ሰብክ ወሳግመ። እበ ኣደቡ ብዙሕ ለሐሸሚነ ህለ ወእበ ኣከይ ንዩቲ ኣዝዮት ለወደ ዲብናመ ኢተሐገለ ወኣከይ ፈሀም ለፈሀሚናመ ህለ።

ወብዕዳም ብዙሕ ኬር ለልሰኡ እትናመ ሰኒ ብዝሓም ቶም።

ተዓሸርነ ምስሎም፡ እብ ተርብዮትነ ወዐደድ ሐለትነ ሀብናሆም፡ እተ ህቶም እት ከብደም ዓቅራመ ለህለው እዴመ ኣለብኩ። ሕነ ለነኣምረ ህሌት ምን ገብእ፡ ለከብድነ ባርሀት ተ ወእሉ ተኣቤ ዎርትመ ኣለበ። ከኣልባብነ ለውቀት ክም ለኣሰትህለን ነኣሰእለን ወፈርሐት ንምለኣን። ሰኒ ንዕቀበን ወደለ ከርከሐ እግሉ ኢንፍተሐን፡ ለባባተን ኣክል ሕድ ንሳድዱ። ሔልፋይ ገበይ ተመህ ኢለበል ዲቡን።

እዲነ ትትዐንቀፍ ትገብእ፡ ምናተ ኢትብዋር። ሰእዮት ትትሐበዕ ትገብእ ምናተ ኢትመይት። ኣብካትመ የምክን

በድየ ገብኣ ምናተ፡ ደኣመን ወደንጎባህን ኢኮን፡ ወእዲነ ለእለ ኣጭበበት ምን ተኣጨብብ ፈረጅ ቅሩባይ ሌጠ ህለ።

ፋወል፡ እሊ ተዋልልክ ክመ ትትሓዜ ሰበት ህለየ በህለት ኢኮን፡ ምናተ ምን ኣመረ ለሰብርክ ወለከሃላትክ እግል እተ ባክ ለህለው ዒማት ሐለት ወደቅብ እግል ልግበእ፡ ወለባርህ ገጽካመ ሰእዮት ለተንክር ምን ሻክት እግል ትግበእ ሰበት ትቀድር ቲ። ዲብ እለ ምዕልክ ፈርሐት ለለኣሰትህል ሰነዕ ሐቆ ኢረኤክ እግል ዐስር ደጊገት ዕንታትክ ኣቀምጭ። እተ ዶል ለህ ርእዮት ናይ እለ በርሀትለ እዲነ እብ በይነ የም ኣለበ ፈርሐት ወለውቀት ክም ተኣሰትህለ እግል ተኣምር ቲ።

መጽሐፍት ከርከደ

ከርከደ እብ ክልኤ ገበይ እግል ተኣዳልዩ ልትቀደር። ሐቲ ገበይ እግል ከርከደ እት ማይ ብሩድ እንዴ ቀመሽካሁ እግል መደት ረደም እግል ተኣሸትሩ ብእትኩ። ወለካልኣይት ገበይ ህዩ እግል መደት ሐጫር እት ማይ ሕፋን እንዴ ጩፊካሁ፡ ተኣበርዱ ወስከር ትወዲ ዲቡ።

እሊ ማይ ከርከደ ምን ብዕዳም ለልትሰተው ጋራት ፍንቲት ብዲቡ። ህቲ ገሮብ ረዩሕ ወለኣብርድ ወምን ጽምእ ማይ ዳፊዕ። ወምን እሊ ወኬንመ ዲቡ ለልትረከቦ ጩዋታት እግል ኣምዓይት ወዓመተን እግል ገሮብ መንፈዐት ዐባይ ብዲቡን።

እት ረኣሰ እሊመ እግል እት ኣምዓይት ለልትረከቦ ተብዕን ቀትል። እሊ እት ከብድ እብ ብራቀ እንዴ ነሰኣካሁ ሐቆሁ ሸርቦት ዶል ሰቲ ቲ። እግል ውቁል ጨቅዋ ደም ለኣቀልል ወእግል መትቀማጣዋ ርሕም ወኣምዓይት ለሀውን ወእብ ሰበቦም ለትመጽእ መጸጸት ወርኬ።

ከርከደ እምበል እሊመ ሐለት ብዝሓም ኣንዋዕ ጄርምታት ለቀትል እበ ቡ፡ ወእብል ምስምሰ ህቲ የም ኣለበ ምንፈዐት ትትረከብ ምኑ ወካሰተን ህዩ እግል ከብድ ወዲበ ለልትረኤ መትከማታት ለኣርሄ።

ምነ ክግደ ክት ታሪክ ዐደነ ምህማት ኩነን ዕኩታት

- 1350 -1360 እብ ኣቡነ ፍሊፖስ ደብሬ ቢዘን ክም መርከዝ ሐረከት እስላሕ ኣዉነስታትዮስ እንዴ ገብኣ ተኣሰሳ።
- መልክ ዘራያቅብ እግል ዐቂደት ኣውንስታትዮስ ክም ትከብተ፡ እግል ነፍሱ በሕሪ ነጋሲ ምግብ ኤራትርየ ክምቲ ዐለ።
- 1520 – 1526 ሉኡክ ናይ ፖርቱጋል እት ድባርዋ ምስል ባሕሪ ነጋሲ ትራከበ።
- 1520ታት ቤት ኣስገዴ ኣስክ ቅብለታይ ኣውሎታት ገዐዘው።
- 1533 – 1535 ኣሕመድ “ግራንጅ” ኣልቀዛሊ እግል ኤራትርየ ወ’ረ።
- 1541 ፖርቱጋል እት ባጼዕ እንዴ ትክረው መጦር ባሕሪ ነጋሲ ኢሳቅ እንዴ በዋረው እግል ዴሽ ኣሕመድ ግራንጅ ፈለዉ።
- 1550ታት - 1600ታት ሶዳንዩን ፎንጂ እግል ምውዳቅ ጸሓይ ኤራትርያ እት ሐንቴሆም ኣተው፡ ወናይ በኒ ዓምር ናይ ቀባይል ኮንፊድራሲ ተኣሰሳ።
- 1557 ቱርኪ ድፋዓተ ዲብ ባጼዕ እንዴ ኣተረደት ኣውሎታት ኤራትርየ እግል ትውረር ጀራረበት።

ከባበት

ተዋጮ ክክብ ሕብሩ ቱ

ሐቲ ምዕል ሓምሳይ ፈሰል ለተኣደርሰ ሙደርሰት ቀደምለ ደረሰ እንዴ በዋረት፡ እግል ደረሰ ኣነ እግል ክልኩም እፈቱኩም ቴለቶም፤ ምናተ እብ ከብደ ላቲ እግል “ቲዲ” ለልትበህል ደረሳየ ሐብርቲ እቶም ይዐለት።

ሙስተዋሁ እት ድራሰቲ ሰኒ ድሀር ነብረ ወክልዶል በይን ሌጠ ለሐሬ ዐለ። ወእሊ ሕክም እሊ እት ቀበት ሰነት ካምለት ምነ እት ረኣሱ ለወዴተ መራቀብት ለትበገሰ ዐለ። ህቲ ምስለ ኣጀይናት ልተልሂ ይዐለ ወበለሊቲ እብ ርስሐት ጅጉሉብ ዐለ። ወክልዶል ሕጽቤ ለሐዜ ወሰኒ ዘህጃን ነብረ፤ ኣስክመ ህተ ለከራራሱ እብ ቀለም ቀይሕ እንዴ ሰይሐቲ እብ ከዋ ዕኩክ ዐላማት X ትክሬ እሉ ወተርፈ ለትብል ዘዐት እት ከትብ እሉ በህ ለልብል ዲበ ደረጅት ባጽሐት እቲ ዐለት። ሐቲ ምዕል ለሐልፈ ሰጃላት ናይ ክሎም ለደረሰ እግል ትራጂዕ ትጠለበ ምነ፤ ከሰጃል ቲዲ እትለ ትራጅዕ እቲ ለዐለት ወቅት እት ባለ ለይዐለ ጋር ሰድፈዮ።

ሙደርሰ ኣወላይ ፈሰል ለዐለ እብ ክሱሰ ቲዲ፤ “ቲዲ ፈዳብ ወመውሁብ ላቲ ደረሳይ ቲ ወሸቅሉመ እብ መእዮስ ወገበይ ንዝምት ቲ ለሸቅዩ” ካትብ እሉ ዐለ።

ሙደርሰ ካልኣይ ፈሰል ህዩ፤ “ቲዲ ሳልሕ ወእብ መለልሂቲ ሰኒ ፍቲይ ላቲ ደረሳይ ቲ፤ ምናተ እብ ሰብብል እግል እሙ ዳብዋ ለህለ ሕማም ሰረጣን ራብሸት ጋብኣት እቲ ህሌት” ልብል ዐለ።

ሙደርሰ ሳልሳይ ፈሰልመ እብ ጀሀቲ፡- “ሞት ዋልዳይቲ ሰኒ ትሩድ ላቲ ታእሲር ሐድገት እቲ ህሌት። ህቲ እብ ጀሀቲ ብዙሕ ትጻገመ ምናተ ዋልዳዩ ላቲ ሕስር ወዲ እቡ ኣቡ። ገሌ ኢትባሰረ እሉ ምን ገብእ ዝሩፍለ ቤቶም ሻፍግ ተእሲር እግል ትውዴ ዲቡ ቲ” ለትብል ሙላሓዛት ካትብ እሉ ዐለ።

ሙደርሰ ራብዓይ ፈሰልመ፤ “ቲዲ በይን ለልሐሬ ወሸንህት ድራሰት ለኣለቡ ደረሳይ ቲ፤ መሳኒትመ ኣለቡ ወክልዶል እትለ ዶለ ደርሰ ሰክብ” እት ልብል ካትብ እሉ ዐለ።

እለ ቶምሶን ለትትበህለ ሙደርሰት ለኣማን ለዶል ለህ ሰበት ኣመረተ፤ ምን ረሐ ከጅለት! ወለደረሰ ሀድያት ዒድ ሚላድ እትለ ኣምጸኣው እቲ እለ እዋን ለሙሽክለተ ሰኒ ወኣማን ኣኬት። ለደረሰ ለሀድያቶም እት ኣሸርጠት ገራይም እንዴ ለፈወ እለ ለኣመጽኦወ ዲብ ህሌው፤ ቲዲ ላቲ ዲብ ወረቀት ቁርጣስ ናይ ዱካን እንዴ ለፈየ ኣምጸኣየ እለ። ኣልሰይደ ቶምሶን ለሀድየት ቲዲ ትፈትሕ ዲብ ህሌት ሰኒ መጸት። ምናተ ለደረሰ ህዩ እብ ሰሓቃት ለፈሰል በለሰው፤ ለሀድየት ሰልሰለት ናይ ማስ ገሌ ሐለቃት ለነቅሰት ምነ ወቅሮረት ቅዲት እተ ተሓተ ሐዳይ ታርፍ ምነ ለዐለ ዐለት። ለሙደርሰት ፋርሐት እት እንተ ለሀድየቲ እንዴ ትከበተት ምኑ ቃዝረት ሐምዴ ዶል ሀበቲ ለደረሰ ምነ ሰሓቃቶም ትም ወደው። ለእሲት ለሰልሰለት እተ ዶል እንዴ ለብሰተ ከምንለ ቅዲት ዲብለ ለቡበሰ ገሌታይ ወዴት። ቲዲ ለኣምዕል ለህ ክም በዲሩ ድራሰት ክም ተመት ኣስክ ቤት ኢሰዐ። ለሙደርሰቲ ኣስክ ትፈግር ታከዩ፤ ወዶል ለእለ መጸት ቲ፡- “ለጼናኪ የም ክም ጼነ ዋልዳይትዬ ጼኔ ህለ!” ቤለዮ።

ለዶል ለሀ፤ ለሙደርሰት ቲዲ ለቅዲት ለመርሐመት እሙ ትትነፈዕ እበ ዐለት እንዴ ኣምጸኣ እለ ጼነ ዋልዳይቲ ክም ረክበ ዲበ ዶል ፈሀመት፡ ምን ብካይ በጢር ኣቤት።

ምንለ ኣምዕል ለህ ወሐር ፍንቲይ እህትማም እት ተሀይቡ ሰበት ኣንበተት፤ ባሉ እት ልትረየሕ ወዐቅሉመ እት ልትረሸድ መጸ። እት ደንጎባለ ሰነት ቲዲ ለፈደበ ደረሳይ ገብኣ። ሐቲ ምዕል ለሙደርሰት እትለ ኣፍለ ባብለ ቤተ እብ ቲዲ ለትከተበት “እንቲ ለሐሰት እት ሐያትዬ ለቃበልክወ ሙደርሰት እንቲ” ለትብል ሙዝክረት ጸንሐተ፤ ህተ ህዩ እንታ ቲ ለእብ ከኣፎ ሓይሰት ሙደርሰት ክም እገብእ ለመሀርከኒ እት ትብል በልሰት እቲ።

ሐቆ ዐስር ሰነት። ለሙደርሰት ኣመተ ኣለበ ምን ክልየት ሕክምነ ለትለኣከት ወዲብ ሐፍለት ተክሪጅ ድፍዐትለ ሰነት ለህ እግል ትሻርክ ለትጠልብ ምነ ርሳለት ትከበተት። ለርሳለት ምን ወልኪ ቲዲ ትብል ዐለት።

ለሰልሰለት ለቲዲ ሀበያተ እንዴ ትሰርጌት ጼናለ ቅዲት ለህ እት ጼኔ ዲብለ ሐፍለት ጠበሽ ትቤ።

ኣዜ ቲዲ መን ቲ ገብእ መስለኩም?

ቲዲ ስቶዳርድ ኣግደ ስሙይ ሐኪም ዲብ እለ እዲና፡ ወሚልካይ መርከዝ (ስቶዳርድ) እግል ኣሰርየት ሰራጣን ቲ።

ጠህል

- እት ረኣሰዬ ለህሌት እዲነ ምነ ረኣሰዬ ለህለ ዲበ እዲነ ተዐቤ ወትፈዬሕ።
- እግል ትፍሐስ ወእግል ተኣትዐግበ ለኢትቀድር እዲነ ወድ ኣደሚ እግል ልንበረ ለኢተኣሰትህሉ እዲና ቲ።
- ክሎም ጋራት ዎርት ከወቅቲ ተመ ምን ገብእ እግል ልትሐቀቆ ቲ። ምናተ እሊ እግል እብ ከኣፎ እግል ልትጸበሮ ክም ብእቶም ኣክል ሕድ ለልኣምሮ ሌጠ ቲ።
- ሐት-ሐቲ ዶል መዕየን ፈዋን ለልትሐሰብ እቲ እዋንመ ኢልትሐገል።
- እት ሐድ ከማል ወጀመል በጸሕኮ እግል ቲበል ገብኣክ ምን ገብእ፡ ለእለ ትወስክ ሰበት ሰኣንክ እንዴ ኢገብእ፡ ለተርፈት ምንክ ዶል ኢተህሌ ሌጠ ቲ።



እብ ክሱስ ተእሪክ ኤረትርያይ ምሕርባይ ዘርእይ ደረሰ ገሌ ሚ ተአምሮ፤ እት ክታብ “ቀይ ዘመን” እብ ኬትባይ ተሰፋዩ ገብረአብ ለትኩተብ ወሶሎሞን በርሄ ደማዊ ዘበን እንዴ ቤላ ዲብ ትግርኛ ለተርጀመዩ ክታብ ለእንቀርኡ ተእሪክ እሊ ኤረትርያይ ምሕርባይ እት ትግራይት እንዴ ተርጀምን እግል ንቀድሙ ፈቲኹ ከእርሕሱ፡-

ኤረትርያን እብ ክሱስ ዘርእይ ደረሰ እት ቆሪ ልቦም ለአተ ሽዑር አው ሐማስ ለብእቶም ኤመሰል። ቅሩብ አስመረ ለሀላ ቀብር ዘርእይ ደረሰ ስያሕዩን ለልትዛዮሩ ቀብር በዐል ተእሪክ እግል ልግበእ ቃድር ኢሀለ። ተእሪኩም እት ዘበን ክፈሕ መሰለሕ ክም ፅላመት ፈራሰት ወመሰል ረቅቦት ኤረትርያን እግል ሕርየት ወእስትቅላል እንዴ ገብእ ኢተሀደገ እቡ። ሽባብ ኤረትርያ እት ሮመ ለወደየ ምስትንክር ምን ሚ ለትበገሰ ክምቲ አምሮም ፋዩሕ ኢኮን። መቃብል እሊ ዘርእይ ደረሰ እት አቶብዩ ሰኒ ሰሙይ ወህዱግ ቲ። ሎሬት ጸጋዩ ገብሬመድህን ወይልመ ማናዩ ለልትበህሉ ኬትቦት፡ ተእሪክ ዘርእይ ደረሰ እብ ሸክል ተማሲል እንዴ አዳለዉ እት መሰረሕ ቀደመዉ።

ዲብ አዲስ አበባ መዳርሴ ብኩክ፡ ሸዋሬዕ ወዳሽ ስሜት ዘርእይ ደረሰ ህዩብ እንረክቡ። እብሊ ህዩ እተ ግራሁ ለቀንጸ አግማም ሩሕ ፈራሰት እግል ልዝሩእ ትነፈዐው እቡ። ፈራሰቱ እብ ሹዐረ ወሐልየት ትሰንቁት። ብዝሓም አክትቦት ተእሪኩ አጥበዐው። ለእብ ክሱስ ዘርእይ ደረሰ ትኩተብ ወለትደገመ ብዙሕ ለትራዘቀ ወድግም ሐካኪቶ ለመሰል ምንመ ልትሓበር እቲ፡ እግል ዘርእይ ደረሰ ላቲ ህቲመ ወኢከፊ፡ ዘይዱ ለአስትህል። ዘርእይ ደረሰ ዲብ ሮመ ለወደየ ፈራሰት እግል ክሎም ጸላይም ፅላመት ፈራሰት እንዴ ገብእት እግል ትትወሰቅ ወአስተሀለ። አቶብዩን አስክ እሊ ዮም እግል ዘርእይ ደረሰ ክም መሰል ፈራሰት ወምሕርበት ለህዱጉ ሀለዮቶም ናዩ ወዋጅቡ ሀበዉ። ተእሪክ አብረሃም ደቦጭ፡ መጎስ አስገደም፡ ጀነራል አማን ምካኤል ዐንዶም፡ ሌተናንት በላይ ሃብተአብ መ ዲብ አቶብዩ ክም ፅላመት ሐጠር ወፈራሰት ልትደገም ሀለ። ብሰኒት ናይለ “ጎመረ” (እሳታት) ለትብል ክናየት እበ ልትሰሜ ለዐለ ዘርእይ ደረሰ ላቲ ዝያድ ክሎም ህዱግ ወሰሙይ ቲ። ተእሪክ ዘርእይ ደረሰ ላኪን እግልሚቱ ዲብ ኤረትርያ አክል እሊ ምን ህድግ ለበደ፤ ለልብል ሰኣል ዶል መጽእ፡ “አቶብዩን እብ ፍጥር ወኪያል እግል ተእሪኩ ምን ዋሰከው እቲ ቲ” እግል ልትበህል ቀድር። እሊ ላኪን በሊስ ካሬ ኢኮን። እግልሚ ተእሪክ ዘርእይ ደረሰ ሐበት ከያል ወፍጥር እንዴ ኢልትሓበር እቲ እበ ሀይአቲ እግል ልትኩተብ ወቀድረ። እብ አሳስ እሊ፡ ሕጭር ለበሊ ለናይ አማን ተእሪክ ዘርእይ ክእነ ተላቲ፡-

ዋልዳዩ እግል ዘርእይ እብ ሸቅል ዲብ ዐዲሃይስ ሰራዬ (ናይ ዮም አቅሊም ግብለት) ትዩመመ። ወዕያሉ እንዴ ነስኦ ዐደ ሐድረ። ዘርእይ ህዩ እት ሰነት 1916 እት ዐዲሃይስ ትወለድ። ወለት ወሕጸን ሐው ህዩ ዐለው እሉ። ዋልዳዩ አገድ ሰበት ትወፈ ህዩ እሙ አጀኒተ እንዴ ነስኦት ዲብ ዐደ - ሃዘገ አቅበለት። ለወክድ ለህይ ዘርእይ ወድ ክልኤ ሰነት ግርዝ ዐለ። ወእብላ ሃዘገ እት ልብ ንእሹ አካን ዝክርያት ንእሹት ወሐርብ ገብአት። ሃዘገ ምን አስመረ ጀህት ምውዳቅ 17 ኪሎሜተር ራይመት ለእንረክበ እት ለትፈናተ ተእሪክ ቅዱም ሲረተ ብዙሕ ዐድ ተ። ዓይለት ዘርእይ ደረሰ ምን ፈረሶ ረእሲ ወልዴሚካኤል ዘሎሞን ቲ። እስትዕማር ዋልዳን ህዩ ሰልፍ አውለውየት እግል ውላድ ጸንዲት በክት ተዕሊም ለህይብ ሰበት ዐለ ዘርእይ፡ ሰነት ምህር ክም በጽሐ ምስል ተሰፋዲን ለልትበህል ሐሁ አስመረ እንዴ ጌሰ እት መድረሰት ሺቶርዮ ማኮዌሌ 3ይ እንዴ አተ ከትብ ወቀርኦ። ልወክድ ልትህዩብ ለዐለ ተዕሊም ዲንመ ልትሓበር እቲ ሰበት ዐለ፡ ዘርእይ ለእተ መድረሰት ልትህዩብ ዐለ ዕልም ዲን ተእሲር ምን ወደ እቲ ምን መዝሀብ አርቶዶክስ ዲብ ካቶሊክ አተ። ዘርእይ ንኡሽ ዲብ እንቲ ምን ጠቢዐቲ አዝም ቲ ለዐለ። እት ምህር ወመሊክ ሀገጊት ለዘይድ ህዩ እት ዕልም ዲን ፈዳብ ክም ዐለ መደርሲት ፈቅዶ። እት ሰነት 1932 ወድ 17 ሰነት ዶል



ዲብ ኮረም- ትግራይ ትዩመመ። እት ኮረም ሐቲ ሰነት ክም አድረሰ ለሸቅል የአተላለዩ ዐዱ እንዴ አቅበለ ግዶር እሙ ሰክነ። እብ ዳራክ ናይ እሙ ህዩ እት ሰነት 1936 አለማሽ ለትበህል ወለት ሰንይቲ ሀደ። እት ዐዱ ሀዘገ እሙ ሐጸነቶ። ሸቅል ሰበት የዐለ እሉ ህዩ ምን ሀዘገ እብ ዐጀለት አስክ አስመረ ዲብ መጽእ እት ቤትክሰታን ልውዕል ዐለ።

ዘርእይ ለእዋን ለህይ ርኢስ ናይለ አበ ገብሬእዬሱስ ሃይሉ ክም ውቁል መሰኡሉ ወጽላሉ እንዴ ገብእ መርሐ ለዐለ መሕበር ገብርኤላይውያን እንዴ ገብእ ተሐረ። እሊ መሕበር እሊ ምዩል ስያሰት ዐለት እቲ ለለአተብሉ እተ አዳም እት ገጽ ረቢ ሐቲቲ ለልብልመፍሁም እንዴ አተርገዘ ልውዕዝ ምን ዐላቲ። ዘርእይ ርኢስ ናይ እሊ መሕበር እንዴ ገብእ ሐዳይ አውረሐት ክም መርሐ ምን እዳረት እስትዕማር ዋልዳን እት አስመረ ሊክ ሸቅል ትቀደመት አቲ።እተ እያም ለህይ ሙዲር ኤረትርያ ለዐለ ዳዎዲያች እግል ዘርእይ እግል ዘርእይ እት መክተቡ እንዴ አድህዩ “ሰኒ ለትመልኩ ሀገጊት አስእለኒ” ቤለዩ። ዘርእይ ህዩ “ትግርኛ፡ አምሐርኛ፡ ዐረብ ወጥልያን” ክም መልክ አስአለዩ። ዳዎዲያች፡ “አገጊ አርሞ አው አገው አውመ ሶማልዩ ህዩ ኢኢትሃጌ” ትሰአለዩ። ዘርእይ፡ “እሊ ላቲ የአምሩ” በልሱ። ዳዎዲያች፡ “ከደሕን። እት ሮመ ዲብላ ሀለ መክተብ ሐንቲ እስትዕማር ዋልዳን ላተን ድወል ቱርጅማን እንዴ ገእከ እግል ትሸቁቲ፡ ሸቅልከ ህዩ ምን ህዘዩ አምሐርኛ ዲብ ህዘዩ ዋልዳን ተርጀሞት ቲ” እት ልብል ሸርሐ እሉ። ዘርእይ፡ ለኢነት በዐል ዕያል ወዓጥል (ሸቅል ለአለቡ) ሰበት ዐለ እበ በክት ሸቅል ሰኒ አርሐቤ። ሐቆ ሐድ ሳምኖታት ህዩ አስክ ሮመ ጌሰ ወበርናመጅ ሸቅሉ ትሰለመ። አተ ተለ ሳምኖታት ህዩ እግል ሐጸይ ሀይሌሰላሴ እንዴ ጠልመው ዋልዳን ለተለው ደገዝማቲታት አቶብዩ እንዴ ረክበ እብ ህዘዩ አምሐርኛ መቃብላት እት ወዴ እግል ሸከረትላ ህዘዩም እንዴ ጨምመ እት ክቲብ እት ወሰቅ እት ሕኩመት ሙሶሊኒ ቀደሞት አግደ ሸቅሉ ገብእ። ገሌ ምነ እሉ ወደ መቃብላት ህዩ፡-

ዘርእይ ደረሰ፡ “ህተ አቶብዩ ከአፎ ሀሌት፤”

ደ ግ ያ ት ገ ሰ ሴ ፡ “ ዮም ወጠንን ክምለ ከዋክብ ልለሰርጊት ማሰለት ሀሌት። ሸዑብናመ እግል እስትዕማር ዋልዳን እብ ፈረሕ ክቡቲ ሀለ”አርድነ ንዕመት ክሪት እቲ ሀሌት”

ዘርእይ ደረሰ፡ “ሸፈቲት ሐርብ ዕሳሳት ወዱ ክም ሀለው ከበርም ብነ”።

ደ ግ ያ ት ገ ሰ ሴ ፡”አማንተ ገሌ ሸፈቲት እት አወድግ ወሳሳት ጨፋራም ክም ሀለው እሙርቲ ላኪን ህቶምመ እት ወክድ ሐጨር እዳህም ክም ለህደቦ አኪድ ቲ”



ዘርእይ ደረሰ፡ “ሸዑር ሸዑብ አቶብዩ ህዩ ከአፎ ሀለ፤”

ደግያት ገሰሴ፡ “ሕነ ሸዑብ ምን ሐሬነ ወካይል ሸዑብ ሕነ፡ እት መስተቅበል እግል መንበርነ ወመንበር ሸዑብ ለተሐይስ ምን እሊ ዳቅቦት ሕኩመት ዋልዳን ለትትህየበነ ቃኑን፡ መምሬሕ ወእዳረት እንዴ ትክበትን እብ ነሳሐት ዲብ እንክድም እማነትን እግል ነሕሰቦት ንተምኤ።”


ዘርእይ ደረሰ፡ “ዲብ ሮመ ህዩ ከአፎ ልትሐደሩኩም ሀለው፤”

ደ ግ ያ ት ገ ሰ ሴ ፡ “ ሐበት ናቅሶት ምንእነ አለቡ፡ ዲብ ሮመ ምን እንመጽእ እብ ግርመት ሸዋሬዕ ወመንተዘሃት ተዐጅብነ። እብ አማን ጥብብለ ሞለ ለተሓበረ ዲቡ ድኢኮን ወድኣዳም ለሸቀዩ ኢመሰል። ሕነ እግል ዐድነ ሐቲመ እንዴ ዶጃንበኔ ዲብ አዝቡን ግምሽ ሐልፈ፡ ዮም ላኪን እግል ልብረህ እነ ገብእ ቲ ምድር እት በርሀቲ ሀለ።

ባላምባራሰ ገዝሙ፡ “ወጠንን ዕድረ ክም ነሐት ምነ ክም ሮመ ለትሰልጥን እቲ ዘበን እግል ልምጽእ ደዓነ ወትምኔትናቲ። መስተዕምራይ ብዕድ ኢነሐቤ።”

ውላድ ረእሲ መንገሽ እብሊ ልትዘክር ለጸንሐ በሰር ቆሎም ለሀበው ቶም። ዘርእይ ደረሰ፡ ዲብላ እት ሮመ ለሸቀዩ አውካድ ሕኩመት ሞሶሎኒ እብ ሕሸመት ወጥቅር ጸብጠቲ ዐለት። ህዘዩ ወነገሪ ዋልዳን እት ልትዐለም ሰበት ዐበ መንበረት መዲነት ሮመ አገድ ለምደዩ፡ ቱርጅማን ሞሶሎኒ ሰበት ዐለ ሕሸመት ምንመ ዐለት እሉ ምነ አካናቲ እርይም እንዴ አበለ ትደዋወረ ምንገብእ ላቲ ክምለ ገብእ ጸሊም እብ ሰኔት ክም ኢልትቃርሐዉ ላቲ ዳሊቲ። ለአምሩ ደማነት እት ርሐ ካልቅ እቲ ዐለ። ዲብላ ሰነት ገብእ እት መዲነት ሮመ ለጸንሐዩ አክለ ፈናታይ ጅንስ ሳደፍዩክ በእሰ ወግድለ ለሀርስ ክም ነብረ ሐብሬ ሀሌት። እግል መሰል ሻሂ እንዴ ጠልበ እት ተካይ ዐለው እሉ ምን ገብእ እግልሚ እት ቡሽ የዐሌኩም እዩ እንዴ አስክ ዛብጥ ዐለ ልብሎ። እብ ክምእነ እብ መዕጸም ሸቅሉ እት ለአገዴ ለዕለት ለተእሪካይት ጸብሐት። እት ሚዳን መዲነት ሮመ ለጀሬት ሚተ፤

ልተላሌ . .



ጅግራታት ዐጀካት 'ካስ ሹሀደኡ' አንበተ



ሰርጉል መርሐለት - ኑርአሕመድ ዑብደልወሃብ

ጅግረታት ዐጃላት 'ካስ
ሹሀደእ' አቅሊም ምግብ፡ ለሐልፈት
ሰንበት ሄለል ጁን እት ክሉሉት
ጽርግዩ ከኒሱት ማርያም ክልኦት
ድሺዝዮናት እበ ወደዉ ናይ
አወላይት መርሐለት ጅግረ
አንበተ።

እት ጀግረ፡ እግል ሰለሰ
 ሰልፋያም መትጃግረት -ሰለሰ፡
 ክልኤ ወሐቱ፡ ወቅት ወንቅጠት
 ለልእክሰበ ናይ ምግብ ትልህየ
 ምግብየ ሾላት ንዙማት ዐለየ፡ 104
 ኪሎምትር እት ገልበበ ናይ ውላድ
 ጀግረ ህቡ፡ ገዳይም መትጃግረት

ተስፋም ዑቅባማርያም ወማርን
ተሾማ ጁጉራም ዐለው።

እግለ ሰልፋይት ርትብት ለዐለት ሸላተ ምግባይት፤ መትባድራይ ናዲ ዐጀላት አስቤኮ ዳንጽም ፍጹምብርሃን ልትዐወት ዲበ እት ሀላ፤ ኤስሮም እስቲፋናስ -ናይ ሰንበል ወአክለሉ አቲሸም ምን ደንደን ደርቡ አተው። እግል ካልአይ፤ መትባድራይ ናዲ ዝብንዳ ሳይሞን ሚክኤል እግል ናይ ብትቶት መትባድራይ ሰግሬ ሰመሬ ወተሰሮም ዑቅግሚካኤል እት ዋሌ አወላይ ተዐወተ ዲበ።

ዲበ 2.1 ከሎሚተር ለሪመ አነስተ መጃገረት፡ ብዙሕ ህጁማት ምንመ ገብአ፡ እግል ረዩም መሳፋት ለዋሌ ይወለድ፡ ልትፈንተዩ ከቀይመ ለወለዩ መጃሚዕ እት ዐረዮት ዶር ውቁል ለተልህ መትባድራይ ዐጃላት ናዲ አሰቤኩ ኑርኣሕመድ ዐብደልወሃብ ህዩ፡ እተ ናይ ደንገብ ዱረት ሾላተ ምነ ዐባይ መጅመዐት እንዴ ትመልህሽ ክም ትገምቡ፡ እብ 2ሳ፡41ደ፡59ኳ፡ ሰርጉ'ለ መርሐለት ገብአ። ምነ ሰለሰ ካልኢት ግራሁ እንዴ ደንገረት ለወሬቱ መጅመዐት ህዩ፡ ወድ ፈሪቁ

**ህዬ፡ መትብድራይ ናዲ ዐጀላት
ሰምበል ኢሳው ጸሃዬ ሳልሳዮም
አተ።**

ናሆም፡ እብ 1ሳ፡52ደ፡49ካ፡
እግለ ዓም ጅግረ መሬት ሀለ፡
ዒሳ ክልኤ ካልኢት ወኤሳው እብ
17 ካልኢት እት ዘነቡ ለህለው-
መትጃግረት ክም ቶም ወግረ
እለ ለጅግረ ዝያደት ለልኦጥዑሙ-
ሀቶም ክም ገብኦ እኡድ ሀለ።

እብ ናይ ሾላተ ንቃጥለ ጅግረ ላኪን፡ ኤሳው እብ 14 ንቅጡት ሰልፋይ ሀለ፡ 11 ንቅጡት እክእለል ለሀለ ናሆም ካልኣይ ወ9 ንቅጡት ለቡ ሂሳ ሳልሳይ ተርቲብ ጸብጣም ሀለው።

ጅግራታት ሳልሳይ ዲቪዝዮን (ሸባን)መ፡ ጅዙእ ምነ ትልህየ ዐለ። እግል 51 ኪሎምትር እብ ተቅዩም እት ሳዐት 43.7 ኪሎምትር ዲብ ልትፌተቶ እብ 1ሳ፡11ደ፡23ካ፡ እንዴ አትመመው ሆይ፡ መትግድራይ ናዲ ደንደን ንፍታሉም ቅዱስ አወላይ አሸብረቀ። ሰናይ ተከሰቱ - ምን ናዲ ትጽቢት፡ ወናሆም ሰለሙን ምን ደንደን ደርቡ ተለው።

ንፍታሌም፡ እብ 11 ንቅጡት
ዋሌ ሀሌ፡ እት ናይ ሾላተ ጅግረ
ህዩ፡ ኦሚንዳብ ወልዴዮህንሰ - ናዲ
ደንደን እብ ነፍሰ ንቅተት ካልኣይ፡
ወሰናይ እብ 10 ንቅጡት ሳልሳይ
ደረጀት ደርቡ-ሕድ ሰርሱራም
ህለው።

**ፕላንቺ 24^ኛ ከስ ትምህርት ልግ
ለሀገር ፈቃድ ገቢአ**

ናይ ዱለት ፈረንሳ ናዲ ኮበሪት እግር ፒኤስጂ፡ ለሐልፊት ሰንበት ንኢሽ ምን ገጽ ላሊ እግል ፈሪቅ ኢንተርሚላን ናይ ኢጣልየ እንዴ አጅገሐ፡ ለበበ ካሰ ሀረሚት ድወል አሮበ ትሻበቀ።

እሊ. እግል 24ይት ኢነቱ ለገብአ ጅግረ ኮበሪት እግር ፍረቅ አሮበ ለትወቀለ ሕሰር ናይ ኩለ እዲነ ህዩቡ ለዐለ እት ገብእ፡ ምነ ትሰአዩ ወኬን እብ ፋይሐት ዐወጡ፤ ፒኤስጂ 5-0 ተምም እት ሀለ፡ ፒኤስጂ እት ኮበሪት እግር እክእሉሉ ለሀለ ቅድረት መተልህዩት ሕሩያም ለአርኤት ትልህዩ ዐለት።

እግል በርሰሎን እብ ዓመት 7ኛብ6

እንዲ ቀልበ እት ካሰ ነዋየት ለትዐደ ሀርመ ሀረሚት ፍረቅ ዱለት ኢጣልያ ለነሰአ ናዲ ኢንተርሚላን፡ እብ ክሉ ወቀዩ፡ ዐንጻደ እት ማይ ክሪት ጋብእ ኣምሰ፡ ፒኤሰጂ፡ ቀደም ዕርፍ እብ ሐኪሚ ወድዌ፡ ሐቐ ሕርፍ ህዬ እብ ድዌ፡ ክቫርትሰኪልያ ወማዩለ ኣግዋል ኣከአለለ፡ እት ታሪክ እሊ ጅግረ ህዬ፡ ለረሕበ ዐውቲ ካቲመት ሻምፕዮንሰሊግ ሰጅል ሀለ።

እሊ. ፈሪቅ እት ሰነት 2011 እብ ውላድ ቀጠሮ ቱጃሮ ልትነሰእ እት ሀላ፡ እት ኣሮቦ 48ይ ለሌሳ ፈሪቅ ኣሮቦ ርቱብ ዐለ፡ እት ክል ሰነት ህዩ፡ ለትደቀበው መተልህየት እት ልትዛቤ፡ ሊግ ደውሉቱ እግል ልዕመመ፡ ኣንበተ፡

ለዐበ ሐልሙ ካለ ሻምፕዮንስ ሊግ እግል ነስኦ ሰበት ዐለ ሆዩ፡ አስክለ ሐልፈ ክልኤ ሰነት ሚሲ፡ ነይማር ወምግፔ እት ሰፍፋ እንዴ አተ፡ ለሐልሙ እት ዛህር እግል ልበድል ምንመ ትጋደለ፡ -ኢሰልወዩ፤ እሎም ከዋክብ ክም ሳርሐ ሳኪን፡ ኮክብ ሀረሚት አርብ ነስኦ - ዐጃይብ ቱ!

ኢትዮጵያን ሀርመ ፍረቅ
ኢጣልያ እንዴ ነስኦ፡ ምስል ፒኤስጂ
ዶል ትዋጅሁ፡ ካስ እግል ልንሰእ
አውመ እብ ለጨ'በ እግል ልትቀ'ለብ
ወመትጃግራይ እግል ልግበእ ሰእየት
ኩሎም ፈተኞች ርያደት ወመኤይደቱ
ለዐላ ቱ። ላኪን ኮበሪት ፍርሲት
(ቅማር) ክም ተ ለአሸሀደት ትልህየ
እንዴ አርኦ፡ ሽ'መት ውጽዬ ጸላም
ሌብ ትከደነ ወአከጅሁ ፈግረ።

መደርብ ናይ እሊ ፈሪቅ ላቲ ልዊስ ኤርኒኬ፡ ካልኣይ ምደርብ “ክልኤ ኢነት ዐውቲ ሰላሲ ለትባሻሪ” ጋብእ ሀለ - ደርብ መደርብ ማንቼሰተር ሲቲ ፔፕ ገርድዮላ። ክልኢቶም ልዊስ ወገርድዮላ ህዬ ውላድ ሰፕይን እብ ግብእቶም፡ ወቀደም ምስል እሊ ፍረቅ መትሓባርም ሰልሰለሰ ዐውቲ ካስ ለሀረሰው ቶም፡ እሊ ህዬ መደርቢን ፈሪቅ ኮበሪት እግር በርሰሎና እንዴ ገአው ለአሰጀለዉ ዐውቲታት እንዴ ገአ እት ታሪክ ውሱቅ ሀለ።



ቢንያም: እት ፍድቡ ለአቀብል



ኤርትራ መትባድራይ ዐጀላት ናዲ ኢንተርማርሽ ቢንያም ግርማይ፡ ለሐልፊት ሰንበት-ዐባይ እተ ተ'መ ጀግረ “ቡክለስ ዲላ ማግኒ፡ እት ሕ'ኒኅ ፍሌገዩት አክደር ካልኣይ አተ።

ለዲብ ፈረንሳ አግል 50 ኢንቱ ለገብአ ጅግረ፡ ሰለሰ መራሕል ዐለየ እቲ። ቢንያም፡ እተ ሰልፋይት መርሐለት ካልኣይ፡ ወእተ ካልኣይት 10ይ ፋግር ዐለ። እተ ናይ ደንሰ መርሐለት ጅግረ ህይ፡ እግለ 32 ካልኢት ድንግርት ለዐለት ብዝሓም መትጃግረት ዐጀላት ዐለም ለዐለው ዲበ መጅመዐት እግለ እብ ሾላተ እንዴ ኣጅገሓቲ፡ እግል ብርያን ኮኳርድ እት ዋሌ ካልኣይ ደረጃት ለጸብጠ።

እግለ 163.9 ኪሎምትር መሳፈት ለዐለት እተ መርሐለት፡ ወድ ጀርመን መትባድራይ ዐጀላት ቱዶር - ማርያስ ማርሆፈር ቱ፡ ህጁም እንዴ ሀረስ - እብ3ሳ፡32ደ፡54ካ ለትዐወተ ዲቡ፡

ናይ ሹላተ ቅድረቱ እብ ሸቡህ-ሸቡህ ተአቀብል ለህሉት ቢንያም፡ እብላ ፍገራት እብ 46 ንቅጠት፡ እት ጅግረ ፍሉንዮት ኣክደር 2ይ እንዲ ፈግረ ጅግራሁ እትመም ሀለ። ወድ ፈረንሳ ፔሬ ላቱር፡ እብ 57 ንቅጠት ንሱርላ ጅግረ ኃብእ ሀለ።

ልእከት ውዛረት እርድ፡ ማይ ወድዋር



ክስሐ ጥስቲክ ከእክትም!



Design
Yonatan Guesh